

SEBOKA LE MOLIMO

 Kea u leboha, Moena Orman. Ke u leboha haholo. Be, re thabetsé ho khutlela tabernakeleng hape hoseng hona. Lentsoe le batla le—le chele; re bile le monyaka o mokakang vekeng ena. Ena ebile veke e kholo ea mahlohonolo ho 'na. 'Me kea kholoa ebile eona ho lona, hape, ho bongata ba lona mona. Ba bangata ba amohetse Moea o Halalelang. E ne e le morero oa rōna kopanong ena. 'Me lebaka leo re sa kang ra e phatlatatsa, kantle koana, ka baka la—la khaello ea ho lulisa batho. Ua bona? Re mpa feela... Bosiu ka morao ho bosiu, batho ba tloha ba ikela, bao ke batho ba rōna ba lehae. Re mpile ra e tsebisa bomphato ba rōna feela mona.

² Le mabapi le seabo sa liroto hona joale, se neng se reretsoe batho ba lehae. Kamoo... Ke ntho ea kereke ea rōna. Ena ke tšebeletso ea rōna ea tloaelo ea sekolo sa Sontaha. Ua bona? 'Me bona... Ehlide, haeba motho a ne a batile ho thusa ka mokhoa oo, re tla—re tla etsa bonnate ba hore e isoa ho bahloki. Re na le malapa, kahara motse, a se nang letho, a ke ke ba le letho ka Keresemose. Ba itšepepitse ka kereke ena. 'Me ka hona, ka mokhoa oo, khele, e tla—e tla isoa morerong oo. E mong oa batikone, le ba boelle morerong oa eona feela, kapa khaitseli ea ka morao mane o tla e nka.

³ Joale, ke utloile hoba re ne re tšoere tšebeletso ea kolobetso hoseng hona. Ba hlile ba nrakile mono, ha ba khona? Be, hape, re tla tšoara e 'ngoe bosiusa, ka baka leo, hape, re tšoare tse peli tsa tsona. Ka hona re kholoa... Kapa, bonnyane, letša le tla tlatsoa, bakeng sa hang ka morao ho tšebeletso, bosiusa, ho tla tšoaroa tšebeletso e 'ngoe ea kolobetso.

⁴ 'Me ba bang ba bona, ho itsoe, ba tla lokela ho kolobetsoa. Ka hona Billy o mathile a nyoloha, metsotsotso e 'maloa e fetileng, a mpolella, ho re, "U se ke ua tla hang, hobane Moena Neville o ne a tlameha ho kolobetsa, pele." Le ho re, "Batho ba bangata ba ne ba tlamehile ho tsamaea, ha feela. 'Me ba ne ba sa kholiseha hore re tla tšoara tšebeletso ea kolobetso hoseng hona."

⁵ Le hopole, letša lena le butsoe kamehla. Kamehla, nako efe, hora efe ea motšehhare kapa ea bosiu, le loketse kolobetso. Bareri ba bang ba kena ka mona, ba sebelisa letša lena ho kolobetsa, re thabetse hoo haholo.

⁶ Nakoana e fetileng mona, kereke ea Park Methodist, e le ha ke etetse mono e—e tšebeletsong ea therou ea tšebeletso. Eaba moena ea ratehang o re, "Ke ne ke etetse koana ha Moena Branham tsatsi le leng, ho sebelisa hoo—hoo..." Ho re, "Ntho eo le e bitsang?"

⁷ Ka re, “Ho ka ba thata ho Methodise ho re, ‘Bokolobeletso.’” Mono keha ba beile nkhonyana, bafafatsa ka eona, ua tseba, nthoana feela e lutseng mono. Ka re, “Ho thata haholo ho Methodise ho re, ‘Bokolobeletso,’” ka rialo.

⁸ A re, “Re rata ho haha bo bong tulong ea rōna mona. Ke batla ke lumela nthong eo.”

⁹ Ka hona, le hopole, Methodise, Baptise, Presbeteriene, mang le mang ea batlang ho bo sebelisa, ke boo. Bo butsoe, metsi ha a lefisoe.

¹⁰ Me re na le tšepe, e nyenyane, re sunya tšepe e chesang ka mono, ho leka ho le futhumatsa. Empa, kea le boella joale, ha e le futhumatse. Ao ke metsi a batang ka ho fetisa ao nkileng ka a utloa bophelong ba ka. ’Me ke kolobelitse, hangata, moo ke neng ke tlameha ho raha leqhoa ka leoto la ka koana letšeng, ka mokhoa *oo*, ho ba kolobetsa. Ke ntano khutlela hae, ke leke ho fihla moo ke lulang, ho fetola liaparo tsa ka. ’Me liaparo tsa ka li qhoahafetse ho ’na, ke ntse ke tsamaea. Ke batla ke sa khone ho hata, liphaepe tsa marikhoe a ka li thatafetse, ke ntse ke hata. A ne a sa bate joaloka ana. Ke metsi a batang ka ho fetisa ao nkileng ka a bona bophelong ba ka. Ha ke eso bone metsi a kang ao.

¹¹ Moena Kelley, serame sa ona eka sea mpolaea, nako le nako ha ke kena ka mono. ’Me ka hona ka mora... [Khaitseli Kelley o re, “Ha u ikutloa monate, ha a na letho.”—Mong.] Ke hantle. Ha u ikutloa monate, ha a na letho. Khaitseli Kelley o re, “Ha u ikutloa monate, ha a na letho.”

¹² Re thabetse sehlopha sena se thabileng sa batho, se tsoakaneng mona, ka malumeli a fapaneng a mekhatloana. Ke bana ba Molimo ba hlahlatoeng ’moho. Batho ba Methodise ba teng ka mona, Baptise, Nazarene, Pilgrim Holiness, Katolike, Lipaki tsa Jehova, Bokreste ba Mahlale, Pentekosta, ntho eohle e hlahlatoeng ’moho.

¹³ [Motho o re, “Esita le Mojuda.”—Mong.] Esita le Mojuda. Ho bokoe Morena ka hoo. Kea u leboha. Re thabetse Mojuda haholo. E, monghali. Hola e—hola e se be ka Mojuda, ha ke tsebe re ka be re le kae. Ke hantle. Joale, hoo ho a babatseha.

¹⁴ Leholimo le tla ba joalo, ka nèpo, hoba Leholimong ho tla be ho hlahlatoe mefuta eohle ea malumeli a mekhatloana. ’Me ke ka baka leo re lutseng ’moho libakeng tsa Leholimo.

¹⁵ Joale, Doc, e batlile eba saekholoji. Kea e tseba. O... Ke ne ke se haufi le eona hakaalo. Ke batla ke chele lentsoe, hoseng hona, le tla kena gereng e bobeli, nakoaneng, ’me le thakhoho, ua tseba, ha ke thakhoha, kea kholoa.

¹⁶ Joale, lipotso tse ling tsa ka li kene maobane bosiu, li sa ntse li amana le kopano ena. Ha Morena ratile, ke tla li arabela ka potlako, bosiung bona, le pele re tšoara e—e tšebeletso e tloaelehileng ea therò, bosiung bona. ’Me ka hona—ka hona le

kholisehe ho tla, bosiung bona, ha u ka khona. 'Me ha Morena a ratile, ke batla ho rera ka sehlooho se hlokosi, se koalang tsoselsetso bosiung bona, kamoo re tsebang kateng, haese ha Moea o Halalelang a ka ntataisetsa hojana.

¹⁷ Bongata ba lona, ehlile, le tla lokela ho khutla malapeng a lona, kajeno, kapa ka morao ho tšebeletso ena, mohlomong, hoseng hona. Re batla ho re rea le ananela, haholo. 'Me re batla ho le lakaletsa Keresemose e hlabosehang le tse ntle tsa Selemo se Secha. Molimo a be le lona me a le fe lintho tse ncha, haholo Bophelo bo bocha boo le bo batlang le bo lapetseng. Le 'na ke etsa joalo, ka bona, ke ho lapela Molimo ho feta.

¹⁸ Lipotso tse 'maloa li teng. Ho na le... Ke fumane tse ling ka phaposing, nakoaneng eo, ba mphile tsona. 'Me moena e mong o neile mora oa ka, bosiung bo fetileng, lipotso tse itseng. 'Me ha kea fumana monyetla ho li finyella, ke mpile ka li sunya pokothong ea ka feela, 'me nako e ne e tsamaile.

¹⁹ Tse ling li boetse li khutletse ho eo ea Matt... kapa Baheberu 6:4. Khaitseli Mammie o sa tsoa rialo, metsotsong e 'maloa e fetileng, hore o ne a thabetse ho fumana eo, kaha le eëna a botsitse potso eona eo, nakoana e fetileng. Eona ehlile, ke ntho e hlollang haholo. Empa kea khlooa bohole le e tšoere, hore e ne e le eng. Kea tšepa le khonne. Ha se Mokreste ea tlatsitsoeng ka Moea.

²⁰ Joale ha u phetla ho Baheberu 10, u tla bona mono A buile ntho eo, e fapanè, mono O bua ka sebe se sa tšoareloeng ho Mokreste, empa, sena, ho motho ea tlatsitsoeng.

²¹ Empa enoa ke motho eo e leng molumeli oa moeli ea latsoitseng feela. Re ba fumana kahara likereke tsohle. Ho tla kerekeng feela, 'me, oh, ba ananela seo Morena a se etsang, empa ha ba hate ba kena ka ho eona. Ba ananela ho bona motho ea folisoang, empa ha ba ikitlaetse ho tsoa le ho rapella bakuli, le ho etela lipatala, kapa ho etsa ntho e lokileng, ua bona, ka mokhoa oo. Le bone mofuta oo. Ba latsoitse. Ba bone. Joalokaha ke boletse, bo-Kaine, Bakanana, kapa...

²² Baiseraele, mohla ba ne ba atamela Kanana, ba ne ba batle ba kena. Ba fihlile mono, ba ba ba latsoa litholoana tsa nahá, empa ba itse, "Oh, rea—rea sitoa. Re—re ke ke ra khona." Empa Joshua le Kalebe ba tseba hoba ba ka khona, hoba ba ne ba tšoere tšepiso ea Molimo.

²³ 'Me Pauluse o ne a leka ho bua ka eona, ho khutlela morao a bua ka bao ba kileng ba fihla haufi le Oona, haufi hakana, empa ba ke ke ba E tšehtesa, ka bobona. Ba mpa ba re, "Oh, ke—ke tsamaea kereke, likereke tseo. Ke kena ho—ho kereke ea khalalelo, kereke ea Pentekosta. Ke kena ntho ena."

"Empa na u amohetse Moea o Halalelang ho tloha u lumetse?"

“Oh, che. Ha ke eso khone le joale.” Ua bona? Ke moo.

²⁴ Empa molumeli oa sebele a ke ke a phomola ho fihela a kena ka ho Oona. O tlamile feela ho kena kantle mono ka ho Oona. Ua bona?

²⁵ E batla e le e—e oa moeling, joale, ke eèna motho eo Pauluse a buang ka eèna.

²⁶ Ka hona, joale, hoseng hona, ke Molaetsa oa Evangelia ea tloaelo feela hoseng hona, ha Morena a ratile, a mphile lentsoe.

²⁷ Ka hona ke kholoa e le tsona litsebiso. Ha ke na bonnete, empa kea kholoa ke eona, ho ea kamoo ke tsebang. ’Me Moena Neville o tsebisitse tse ling tsohle.

²⁸ ’Me ke batla bohle le tsebe, ha u ka feta le mona le ka mohla . . . Lona ba tlamehang ho khutlela hae, joale, le sa khone ho salla tšebeletso ea mantshiboea, ke batla le tsebe. Ha u ka feta le mona, nako efe, eka ho ka be ho le joalo, le re khalo le mamele molisa oa röna. Re na le molisa oa makhonthe tabernakelng ena, Moena Orman Neville. Ha ke rialo hobane a lutse mona. Ke mo tsebile lilemo. ’Me ha eso fetohe, le hang. E sa le Orman Neville, mohlanka oa Morena. U ka mo tsepahetse. O tsepahetse, o na le ’nete, ke moreri ea khabane. Ke lula morao mono . . .

²⁹ Ke utloile bareri, lefatse ka bophara, ba rera. Empa ka nako tse ling o rera lintho tse ntlhollang, kea le bolella, ho u phamola feela, ka—ka linthoana tseo a li sebelisang. Kea u bolella, nako tsohle ha ke e tla, ke tlisa . . . Ke fumana lihlooho tse ka bang leshome le metso e mehlano therong ea hae, ha ke—ha ke tla, ke e ngola fatše. Ha ke fihla hae, “Oh, khele, na e ke ke ea etsa molaetsa! Oh, khele, na e ke ke ea etsa molaetsa!” ’Me ke e ngola fatše feela.

³⁰ Ka baka leo e re khalo ho utloa Moena Neville oa röna, ’me u iketse setlama le batho ba röna. Ke batho ba bafutsana, ba futsanehile haholo. Empa ba rata Morena, ’me ba tla le rata. ’Me ka hona re thabetse boteng ba lona le röna, le ho rapela Molimo ho le hlohonolofatsa.

³¹ Joale ha re inamiseng lihlooho tsa röna nakoana pele re atamela Lentsoe.

³² Morena ea mohau, joale re tla ka tšabo kamoo re tsebang ho tla. Re tla ka Lebitso la Jesu, ho lumela hobane U re tsepahetse, ka Eèna, hore U tla utloa sohle seo re tlango ho U kopa sona ka Lebitso la Hae. ’Me rea rapela, Molimo, hore U tla re etela mona hoseng hona.

³³ Re batla ho U leboha ho tsoa botebong ba pelō ea röna, ka seo U re etselitseng sona veke e fetileng ena. Lipelō tse ngata tse utloileng bohloko li thabisitsoe. Batho ba bangata ba nyakallisitsoe. Le ba bangata ba neng ba ferekane, Lentsoeng, joale ba hooeletsa tlholo ka Jesu Kreste. Re U leboha ka lintho tsena.

³⁴ 'Me rea rapela, Morena, kajeno e tle e be mohla O tla eta le batho ba Hao. 'Me re phuthehile mona, bohole, re le mefuta e mengata, nka rialo, ea mekhatloana ea likereke. Tse ling li tšoere litumelo tse fapaneng, tse sa lumelaneng le Mangolo ka mosa, empa ha li e lumelle ho etsa lerako, ho hang, esita le khaitseli ea Mojuda o ile a phahamisa letsoho la hae. Re phuthehile libakeng tsa Leholimo ka ho Kreste Jesu.

³⁵ Rea rapela, kajeno, hore Moea oa Hao o tle o tšolello holim'a rōna ka bocha. Re kolobetse ka bocha, hoseng hona, Morena, kapa ho tšeloa bocha. 'Me re U kopa ho folisa bakuli, bao ba hlomohileng, bao ba hlokang. Mona ho lutse monna setulong sa bakuli, ba bang ba teng kantle ka mono, mohlomong, ba jeoang ke pelō, ba bang ba jea ke mofetše. Ba a shoa, Morena. 'Me lingaka tse khabane tsa naha ea rōna li hlahlobile mathata 'me tsa teba ka bokhoni ba tsona, 'me mohlomong ka liopereishene, 'me le joale liabolosi eo o sa itšoareletse. O ikemiselitse ho tlosa bophelo ba bona. 'Me o a . . . Ba ka seha nqa e 'ngoe ka thipa ea bona mohlomong le ka matsoho a mosa, ho leka ho thusa motho eo, empa liabolosi eo o tla thoba a qhomele koung e 'ngoe a boele a hlahe mono. Hobane o khona ho ipatela ngaka. Empa, Molimo, a ke ke a ipatela Uena. U mo tseba hantle moo a leng teng. 'Me ka Lentsoe la tumelo ea Hao le ka Matla, o tla tlameha ho sutha. 'Me rea U rapela, kajeno, Molimo, hore U tle u tlose sohle se sebe bathong, ba tle ba phele ba koenne, ba nafefeloe ke mahlohonolo a Morena Molimo oa rōna. Hoba re e kopa ka Lebitso la Jesu. Amen.

³⁶ Joale, mona ho robetse lisakatuku tse ngata. 'Me re tla li rapella. 'Me ha u se na se seng mona, 'me u batla se seng, be, u ka re ngolla mona lebokoseng la poso tharō peli hlano, 'me re tla u romella sona hang. Taba eo e fumanoa Bukeng ea Baheberu, kahara Buka ea—ea Liketso, khaolo ea 19, moo re nkang lisakatuku le liaporone tse amileng batho, ho li rapella.

³⁷ Ha re phetleng, hoseng hona joale, Mangolong, Bukeng ea Esaia, khaolo ea 1. Esaia 1, re sa bala karoloana ea Lengolo.

³⁸ 'Me e re le sa phetla Bukeng ena, ho re sala morao palong ea rōna, re batla ho bua ho hong mabapi le tšebeletso ea pholiso e tla latela.

³⁹ Joale, ha re leke ho itlaleha re hlahisa pholiso ea Khalalelo, mona, e le sehloooho, hobane pholiso ea Khalalelo ke ntho e nyenyane. 'Me u ke ke ua itšetleha holima ntho e nyenyane. Empa re lumela tšebetso ea Jesu Kreste, lipheresente tse mashome a robeli a metso e tšeletseng tsa eona, e ne e le pholiso ea Khalalelo. 'Me pholiso ea Khalalelo e tšoasitse maikutlo a batho, ha tlisoa temoha ea hobane E ne e le Molimo. 'Me ba . . .

⁴⁰ O itse, "Haeba le sa lumele hoba Ke hoo, le mpe le lumele mesebetsi eo Ke e etsang. Hoba ekare ha Ke sa etse mesebetsi

ea Ntate oa Ka, le se ke la lumela ho 'Na. Empa ekare ha Ke etsa mesebetsi ea Ntate, 'me le sa lumele ho 'Na, le mpe le lumele mesebetsi."

⁴¹ Ua bona, joaloka Monna, O ne a Iketsa Molimo. Koana sefapanong, kapa . . . Pejana ho sefapano feela, ba itse ho Eèna, "Ha re U tlepeletse mosebetsi o molemo o U entseng. Empa re U tlepetsa kahobane U le monna, u Iketsa Molimo." E ne e le Molimo. E ne e le eèna. Molimo o no o le ka ho Eèna. 'Me ka hona, ha ho le joalo, O itse, "Haeba le sa lumele ho 'Na, le lumele mesebetsi eo Ke e etsang." Ua bona? "Le mpe le lumele mesebetsi, hore ke ea Molimo."

⁴² Be, joale, ho a tšoana le kajeno. Ha ho motho e leng Molimo holim'a lefatše. Ruri ha ho joalo. Bohle re bana ba motho, e mong le e mong o tsoaletsoe sebeng, o bopetsoe bokhopong, o tlide lefatšeng a bua mashano. Empa joalokaha re fetile ho eona e hlakile veke ena, ho supa hobane Molimo o phetse ka *holim'a* 'mopo oa Hae, ka lebaka la sebe. Eaba O phela '*moho* le 'mopo oa Hae, ka sebopeho sa 'mele, Jesu Kreste; oa hloma tente ea Oona le rôna, ho aha le rôna, "ho etsoa nama," le rôna, ho utloa bohloko ba sebe le mahlaba, mahlomola, le ba lintho tseo re li utloang. Eaba O halaletsa Kereke hore A tle a ahe ka *hara* eona. Ka baka leo e ne e le Molimo holima rôna; Molimo le rôna; Molimo ka hare ho rôna.

⁴³ Jesu o itse, "Ka letsatsi leo, le tla tseba hobane Ke ka ho Ntate, Ntate o ka ho 'Na; le 'Na ka ho lona, le lona le ka ho 'Na." 'Me mono lea bona, ke Molimo o sebetsang ka hoo. Ka baka leo, motho ha a ineetse Moea o Halalelang ka botlalo, 'me a bua, ha se motho eo ea buang.

⁴⁴ Ke tseba hoo ka boiphihlelo. Boiphihlelong bo bong ba ka bo bonyenyane le Kreste, ke fumane mehleng eo—eo A neng a ntumella ho inehela ho Eèna, hofihlela ke sa tsebe seo ke se buang. 'Me nkabe ke sa bua taba eo, le ho leka holima lefatše, empa O e buile.

⁴⁵ Hattie ea lutseng motšeо mane, leleiti leo. Letsatsi le leng, mohla tšebetso e ncha ena, etsoe ke tšepa e tla hlahella hoseng hona. 'Me bohole le utloetse ka eona. 'Me eare re sa lutse. . . . 'Me ho ka ba le ba robeli kapa ba leshome, hantle mona joale, ba ne ba lutse ba le teng mohlang oo. 'Me e le ha Moea o Halalelang o retolohela ho mosali eo le ho 'molella ho kopa eng le eng eo a e batlang, 'me o ne a tla e fuoa. Le nahana hore nka be buile hoo? Hola ka khona, nka e bua hona joale. Empa nka be ke sitiloe ho rialo. 'Me keha ke thothomela, ke ne ke tšerema haholo. Moena Banks Wood, ea emeng mono, o ne a lutse pela ka. 'Me keha mofufutso o thunya matsohong a ka, 'me ke tšerema hoo ke bileng ka ema ka tsamaea ke tloha lapeng leo. Keha e nkharotse letsoalo hampe. Empa mosali eo keha a kopile e 'ngoe ea lintho tse

kholohali tseo mang a kileng a li kopa, 'me a e neoa. Ua bona, e ne e le Molimo oo. Eo e ne e se motho. Batho ha ba khone ho etsa linth tseo.

Jesu o ne a re ho sefate, "Motho a se hlole a ej a ho uena."

⁴⁶ 'Me barutuo, letsatsi le hlahlamang... Kapele hakae, la qala la sebetsa ka eona nako eo. Letsatsi le hlahlamang, sa qala sa omella. 'Me ba itse, "Bonang sefate se omeletse ka potlako e kae."

⁴⁷ 'Me O itse, "Le be le tumelo ho Molimo. Hoba kannete Ke re ho lona, ha le..." E seng ha "Na," empa ha "lona." "Ea ka reng ho thaba ena, 'Sutha,' 'me u sa belaеe, u mpa u lumela hobane seo ba se boletseng se tla etsoa, u ka fumana seo u se boletseng."

⁴⁸ Eo ke Molimo ka ho uena. Ua bona? Ebe ea ka suthisang thaba ke mang haese Molimo? Ea ka hlahisang lintho ka mokhoa oo ke mang haese Molimo? Ka baka leo, u a bona, ha ho khang, Molimo o kahara batho ba Oona. Ka baka leo re tlameha ho hlomphana. Re tlameha ho ratana. Ho tselela ka nqane ho liahelo tsa rōna tsa mekhatloana ea bolumeli, re tlameha ho ratana, leha ho le joalo. Leha koana re sa lumellane 'moho.

⁴⁹ Mohlomong, baapostola, ba ne ba sa lumellana. Keha ba batlike ho tseba hore e moholo e tla ba mang, le lintho tse ngata. Johanne Mareka, le—le Pauluse mono, keha ba e na le... Le Petrose le Pauluse ba kile ba hanetsana. Empa, litlamo tsa lerato, ke tsona tseo re lekang ho li loanela kajeno, hore Methodise eohle, Baptise, Presbeteriene, Lutherane, e ka bang eng, bohole re 'moho, joaloka ngatana e le 'ngoe ea Bokreste. Joale re ntse re leka ho tlatsoa ka Moea, ho atamela Molimo ho feta. Ke lona lebaka.

⁵⁰ Joale na le fumane Esaia 1? Ha re qaleng ka temana ea 14. 'Me ke tlil'o qotsa mohlolthero, ha Morena a ratile, ho tloha temaneng ea 18, ho ntša therou ea ka.

Moea oa ka o hloilemekete ea lona ea likhoeli tse thoasang: le ea liphutheho tse mahlonoko; ke tšoenyo ho 'na ke khathetse ke ho iphapanya le eona.

Leha lea ka otlollela matsoho ho 'na, ke tla lebisa mahlo a me hosele: e, leha le ka atisa lithapelo life tsa lona, nke ke ka li mamela: matsoho a lona a tletse mali.

Ithhatsoeng, le itlhokise; tlosang bolotsana, bolotsana ba liketso tsa lona pela mahlo a me; lesang ho etsa hampe;

Ithuteng ho etsa hantle; le batlisise ho lokileng, le sireletse motšoenyehi, le lokisetse likhutsana, le emele nyeoe ea bahlolohali.

'Me le tle, re lokise litaba, ho bolela MORENA: leha libe tsa lona li ka ba khubelu joaloka sekarelata, li... soeu fala joaloka lehloa; leha li ka ba khubelu joaloka krimsons, li tla ba tšoeu joaloka boea ba nku.

Ha le rata ho utloa, le tla ja monono oa lefatše:

*Empa ha le ikhanelā le ikhantšā, le tla jeoa ke
lerumo: hobane molomo oa MORENA o see boletse.*

⁵¹ Lea tseba, hamorao tjena, re utloetse khafetsa ka liboka, batho ba kopanang. Molimo o bua ka hona hoo mona, seboka le batho ba Oona 'moho. "Tloong, 'me re lokise litaba." Esale re etsa joalo matsatsing a 'maloa a fetileng. 'Me haholo sechaba, le litaba tsa sechaba kajeno, li tsetlehiloe holim'a liboka.

⁵² Nakoana e fetileng mona, nka hopola habonolo, le batho ba bangata ba ka hopola, ka Seboka sa Baholo ba Bane. Ba ile ba kopanya baetapele ba bane ba baholo ba lefatše 'moho, ba lefatše le ratang khotso, 'me ba tšoara seboka. 'Me sebokeng sena ba leka ho etsa qeto ea hore ba ka sebetsa joang ka bokhabane.

⁵³ Eaba re tšoara Seboka sa Geneva haufinyane, teng mono, mane Geneva, teng ho phuthehile batho ba lefatše le ratang khotso, ho botsisia, le ho rerisana, mabapi le khotso ea lefatše. Hoo ha bitsoa Seboka sa Geneva.

⁵⁴ Hape, haeba ke sa fose, ba kile ba tšoara e—e Seboka sa Paris, mona joale, nakoana e fetileng. 'Me bohle ba bokana Paris, ho buisana ka mathata, le ho leka ho tlisa khotso.

⁵⁵ 'Me joale Presidente oa rōna ea ratehang, Dwight Eisenhower, o ntse a hahlaula lefatše le lokolohileng. Lipampiri li tletse eona. Le radio, ka lipuisano tsa Mongh. Eisenhower le batho ba lefatše le lokolohileng, 'seboka se seng ka morao ho seboka se seng, o ntse a leka ho—ho etsa hoo. 'Me eona... Ba bolela, lipampiring, mabapi le kamoo a—kamoo a ananeloang libakeng tse ngata, le kamoo ba binang pina ea Amerika, kapa ba phahamisa folaga, kapa ho phahamisetsa folaga holimo, ke rialo, holimo, ha a fihla. 'Me—'me ba bang ba mo khethela limpho, le lintho tse joalo. Ke batho ba lichaba tse ratang khotso.

⁵⁶ 'Me ke nahana re tlameha ho rapella Mongh. Eisenhower, ba sa ntse ba teanya maiteko a bona 'moho, ho leka ho baballa naha ena moo re ka tšoarang likopano tse kang tsena, ra lokoloha.

⁵⁷ Amerika, har'a sebe sa eona sohle le mathata a eona ohle, esale e khabane ka ho fetisa lefatšeng. Ke lumela hoo. 'Me Molimo o e thusé ho ba joalo, le ho itulela e le joalo, hoba re tšoere e meng ea melao e ratehang. Ke hore, lefatše lena le tolisitsoe ka mali, ho baballa melao ena.

⁵⁸ Ka baka leo ke hopola re tlameha ho rapela, ka linako tshole, hore Molimo o be le Mongh. Eisenhower, o tsofetse 'me bophelo ba hae ha bo botle ha kaalo. 'Me—'me kemo ea monna eo sechabeng, 'me o bua litaba, 'me o leka ka bokhoni ba hae. Leha u sa lumellane le eëna, ka lipolitiki, mo rapelle joale. Sechaba sa heno ke sona se amehang.

⁵⁹ Ebe liboka tsee li tšoareloang? Lebaka la liboka tsee ke lefe? Lebaka le tlameha le be le le teng, hoseng joalo ba ka be ba sa tšoaroe liboka tsena. Ba tlameha ho finyella qeto ea seo ba tlang ho se etsa. Seboka se tšoareloa morero oo, ke ho etsa qeto. Batho tulong e 'ngoe, le tulong e 'ngoe, le ka mehopolo e fapaneng, 'me holimo *mona* ho hlaha linthoana tse fapaneng, le ntho e 'ngoe ka *mona*, le morao *mona*, 'me ba tlameha ho teana ho tšoara seboka, ebe ba etsa qeto ea seo ba tlang ho se etsa ka eona. 'Me li tšoareloa morero oo.

⁶⁰ 'Me hoba ho etsoe qeto, kapa ho ee ho hlophisoe seboka, ba tlameha ho rera tulo ea ho tšoara seboka sena. 'Me ha u ka elelloa, taba eo, kamehla ba leka ho fumana tulo e fetisang ka botle. Nkile ka fihla Geneva, moo Seboka sa Geneva se neng se epiloe, koana Paris, le—le libaka tse fapaneng moo ho kileng ha tšoaroa liboka. Nkile ka fihla moahong oa U.N. 'Me, oh, o motle, haholo koana Geneva. 'Me hape ka mono, bao... Kea kholoa ba leka ho khetha libaka tsena e le hore khoheli... Taba e teng, ka hono, ha se khutsitse ka khotso 'me—'me se khahleha, ekare se sebetsana le moea oa motho. Kea kholoa hoo ke 'nete.

⁶¹ Hangata, 'na ka bona, ke hloa thaba, ke shebella letsatsi ha le likela kapa... hoo ho a 'nyakallisa, 'me liphapang tsa ka tsohle eka lia raroloha. Tulo, tulo, tulo e thontsoeng eo seboka sena se tsoanelang ho tšoaroa. 'Me liqeto li tlameha ho etsoa teng.

⁶² 'Me hape ke batla ho le hopotsa taba, ke ena, ka har'a seboka, ha ba tšoare seboka ho sa hlaha tsitsipano e mahlonoko. Ke mehleng ea—ea khatello, ha ho tsoaroa liboka.

⁶³ Mehleng ea kopano ea Baholo ba Bane, keha ho epiloe seboka mabapi le Ntoa ea Lefatše ea II e neng e tsoa taolong. 'Me ba tlameha ho teana ho rala meralo ea bona 'moho, le ho rala ho hong; Mongh. Churchill, le Roosevelt, le ba bang. Ho leka ho kopanya likelello tsa bona, ho e tlamahanya, ho fumana bokhabane bo fetisang, kaha e ne e le mohla tsitsipano. E le mohla ho ka beng ho phatlotsoe lefatše lohle le lokolohileng. 'Me Hitler, kajeno, e ka ba e le 'musanosi oa lefatše, re ka be re sa tšoara kopano ena kajeno.

⁶⁴ Liboka li tšoarela lebaka leo, 'me e—'me ba ba kenya litulong tse thontsoeng ka lebaka, le—le morero oo ba tšoanelang ho li tšoara. 'Me haeba... 'Me re qophelloa ho kenela seboka. Ba kopana ka mokhoa oo. 'Me tseo ebile liboka tse kholo. Ha ho pelaelo mohopolong oa ka, 'me nako e ke ke ea ntumella, lentsoe la ka, ho tsoelapele ke bua ka liboka tse ling tse kholo ho theoha le mongoaha, tseo ke balileng ka tsona, matsatsing a Faro, le joalo. Empa, ho kile ha eptjoa liboka tsa litonana tsa tsamaiso ea lefatše lena.

⁶⁵ 'Me, hape, Molimo o kile oa epa tse ling tsa liboka tsa litonana. Ho kile ha fihla nako, moruong o moholo oa Molimo, keha e le tlameho ho tšoaroa seboka. 'Me sa pele seo nka se

thonyang, sa lefatše lena, e ne e le tšimong ea Edene. Mohla, Mangeloi a Molimo a fihla Lapeng, a ntse a lla, a ntse a re, "Ngoana oa Hao o oele. O entse sebe, 'me o robile melao ea Hao." Ntho e 'ngoe e tlameha ho etsoa. 'Mopuoa oa Molimo o oele mohaung, 'me a beoa tlasa bohlanka ba karohano e sa Feleng hole le Boteng ba Molimo oa hae le 'Moetsi oa hae.

⁶⁶ E ne e le mohla tsitsipano, hobane Morena oa Leholimo o ne a boletse, "Mohla u se jang, u shoa mohlang oo." Ka ho beha tšepo ea Hae holim'a mora oa Hae, mora oa Hae o ne a robile molao oa Hae. Ntho ea tlameha ho etsoa. E ne e le popo ea Hae. E ne e le mosebetsi oa letsoho la Hae ka Sebele. E ne e le lerato la pelō ea Hae, thaka ea leihlo la Hae. Ntho e 'ngoe e tšoanelo ho etsoa. Ka baka leo seboka sa tšoanelo ho tšoara.

⁶⁷ Molimo o ile oa khetha sefate se seng ka har'a tšimo ea Edene. 'Me hoba A lahlele matlalo a khale a netiloeng ka mali ka har'a...ka morao ho lihlahla. A bitsa Adama le Eva, 'me teng A memela seboka, a rera 'me a hlophisa pheko ea nthohali ena e nyarosang eo bana ba Hae ba e entseng. Seboka sa Molimo.

⁶⁸ 'Me mono ha etsoa qeto. Kamehla, sebokeng, ho etsoa qeto. 'Me Molimo o entse qeto. Hore, kahobane Eva a entse... Mohla A ne a mo emisitse setulong sa bopaki, hobane a tlositse bophelo lefatšeng, o tla lokela ho tlisa bophelo lefatšeng. Le ho Adama; le ho noha; 'me, ehlide, erekaha e ne e le hlooho ea morabe, morabe ohle tlasa eona o oele le Adama.

⁶⁹ Hape ke boela ke hopola mohopolong oa ka, ke seboka se seng, sa moporofeta oa 'malehi ea kileng a tetema liqetong tsa hae, 'me a hopola mosebetsi oo o le moholo haholo. 'Me o ne a balehile a inyalla mosali, 'me a khutlela lefeelleng, 'me a itulela lilemo tse mashome a mane teng. Moporofeta, ea tlotsitsoeng ke Molimo, a tšoere thomo e kholo; a tsoetsoe lefatšeng, e le moporofeta. Empa, leha ho le joalo, mohla sehlohlolo sa thorelo ea phoso ea hae, ka ho inkela molao matsohong sebakeng sa ho sala litaelo tsa Molimo morao, o ile a bolaea monna. 'Me ka baka la thorelo le tšabo ea Faro, a balehela lefeelleng, 'me mono ha lebalisoa lilemo tse mashome a mane.

⁷⁰ 'Me makhoba a Egepeta, mosebetsi o ne o le moholo haholo, mekokotlo ea bona e ne e opa bohloko, lipelō tsa bona li robehile haholo, lillo tsa bona tsa ba tsa fihla pel'a Molimo, hofihlela A qobelloa ho tšoara seboka.

⁷¹ Mokhoa oa ho qobella seboka o teng. U ka e etsa bophelong ba hao, makhaolakhang.

⁷² Meroalo ea batho, le lillo, keha li phahame, hofihlela Molimo a tlameha 'me a qophelloa ho epa seboka. Mohla Molimo o etsang qeto, e tlameha ho itulela e le joalo. Ka baka leo Eèna, le pele ho motheo oa lefatše, o beile lebitso la motho Bukeng ea Bophelo ea Konyana, ka morero oa ho

lopolla batho bao. Lintho tsohle li reriloe-pele ke Molimo. Lebitso la monna eo e ne e le Moshe, mohlanka oa Hae. Ka baka leo, pele ho motheo oa lefatše, Moshe o ne a khethoe ho lopolla batho.

'Me Moshe o ne a sitetsoe Molimo.

⁷³ Hoo ho tlameha ho re fa tšepo le ho re khothatsa. Rōna ba sitetsoeng Molimo, re sa ntse re bolokile litšepo. [Moena Branham o opa liatla tsa hae hang—Mong.] Re Mo siteloa, re le kereke. Re Mo siteloa, re le batho. Empa ha re bitseng seboka, ha re rerisaneng le Eèna, ho bona seo A tlang ho re bolella sona, ho bona qeto eo re tlang ho e finyella.

⁷⁴ 'Me monna oa Molimo o ne a sitiloe, 'me eaba Molimo o tlameha ho memela seboka. A ke ke a sebelisa e mong osele. O ne a khethile Moshe. Ka baka leo o theoha a kena lefeelleng, nqa e 'ngoe motšeо ho lehoatata, pel'a Sinai. Me eaba O khetha qhooea thaba, le sehlahla, tulo e ikhethileng. O ile a nahana, "Ke tla nyollela Moshe holimo mona. Ena e tla ba tulo e molemo, hole le manku a hae, hole le mohatsa'e, hole le bana ba hae, hole le batho bohle. 'Me Ke tla tšoara seboka le eèna."

⁷⁵ Mono, eitseha A bua le moporofeta, qetellong ba kena tabeng eo. "Ke utloile lillo tsa batho ba Ka. Ke u bitsitse ke hona, Moshe. Ke utloile lillo tsa batho ba Ka tlase mane, 'me Ke sa hopola mohla Ke ne ke etsa tšepiso 'me Ke tlameha ho e boloka. Joale Ke u romela tlase mono."

⁷⁶ Eaba ka mantsoe a hae—a hae Moshe o arabela Molimo. E ne e le motho. O itse, "Empa 'na ke mang? Ha ke—ke khone ho bua."

⁷⁷ 'Me eaba sebokeng sena—sena, Molimo o re ho Moshe, "Ke mang ea bopileng molomo oa motho? Ke mang ea neileng motho puo? Ke mang ea entseng motho setholo? Ke mang ea entseng motho semumu?"

'Me Moshe a 'na a lumaluma. Keha a batlile ho bona khanya ea Molimo.

⁷⁸ 'Me A re, "Moshe, ha u batla ho tseba hore Ke Mang, 'na Ke Molimo o etsang mohlolo. Lahlela lere la hao fatše." 'Me oa fetoha noha. Eaba O re, "Sunya letsoho la hao sefubeng sa hao." 'Me a le ntša, 'me keha le tletse lepera. 'Me eitseha a le busetsa 'me a le ntša, keha le folile. Ha thoe, "Na u tseba hore Ke Mang, Moshe? Ke Molimo o etsang mehlolo. Ke Molimo o folisang bakuli le ba mahlomoleng. Ke Jehova Molimo."

⁷⁹ Moshe o itse, "Ke bona khanya ea Hao. Ke sa batla ho tseba ntho e 'ngoe, le pele seboka sena se ka koaloa. Ke tla re ho Faro ke romiloe ke mang?"

A re, "Mo bolelle 'KE TENG' o u romile."

⁸⁰ Hase “Ke ne ke le teng,” kapa “Ke tla ba teng.” Empa, ea leng teng kamehla, “Eèna maobane, kajeno, le kamehla.” “KE TENG,” TENG ke lekhathe la joale, hona joale. E kenyeletsa bokamoso, hona joale, le—le lekhathe le fetileng, “KE TENG.”

“KE TENG o u romile.”

⁸¹ Moshe o amohetse litaelo tsa hae ’me a theohela Egepeta. Ho tsoeng, mohla ho ntšoang bana, ha fihla nako, ke hona, mohla ba ne ba tsoaketsoa chebeleng. Batho, batho ba bitsitsoeng, ba arotsoeng lefatšeng lohle! Iseraele e ne e le batho ba Molimo, hang ha ba ntse ba le Egepeta. Hang hoba ba tsoe Egepeta, e ne e le kereke ea Molimo. Lentsoe “ho bitsetsoa kantle,” kapa kereke, ke ho bolela “ho bitsetsoa kantle.” Ka baka leo keha ba bilelitsoe kantle hole le lefatšē lohle, ’me bona ke kereke.

⁸² Ho joalo hoseng hona, bao ba bitsitsoeng ba ntsitsoe lefatšeng, ho sa tsotelloe tekete ea mokhatloana oa bolumeli eo ba e khoesitseng. Haeba ba bitsitsoe, ba khethetsoe ho Molimo, ’me ke litho tsa Kereke ea Hae e kholo.

⁸³ Ka baka leo batho bana ba kile ba ikhetha, ka ho nyehela mali a konyana, le ka ho tlotsa holimo—holimo mono ka mali, holim'a likosene tsa monyako. ’Me a ne a tlotsoa ka hisopa.

⁸⁴ Shebang. Ke batla le elelloe taba mona. E a hlolla. Moshe o ba laetse ho nka hisopa, ebe ba e ina maling a konyana, ba a tšase holima monyako. Mali, ehlile, a ne a bapisa Mali a Kreste. Hisopa ke mahola a tloaelo feela. U ka e fumana hohle, ho khola mahola a tletseng seatla feela.

⁸⁵ Hoo ho supa Mali a ka tlotsoa habonolo feela. Mahola a ne a bapisa tumelo, tumelo feela ho Molimo. Ha u a tlameha ho ea nqa e ’ngoe. Ako nke tumelo ea Molimo ’me u tšase Mali pelōng ea hao. Ho re, “Ke ikarotse linthong tsa lefatše, hobane, ka tumelo, ke tšasa Mali nyeoeng ea ka hoseng hona. Ke tla folisoa, hobane ke tšasa Mali holima kosene ea pelō ea ka. Ha ke sa tla lumella pelaelo ho nkotla hape, kaha ke tli’o itšireletsa ka ho beha Mali a Jesu, ka tumelo (hisopa), holima monyako oa ka. ’Me ha ho sera se tlang ho kena. Ha ke sa tla hlola ke belaela Lentsoe la Molimo.” E bonolo hakaalo.

⁸⁶ Ba ne ba hoanta, hoba ba khetheloe kathoko, ’me e le batho ba bitsitsoeng. ’Me eaba ba khahlana le Leoatle le Lefubelu. ’Me ba tlameha ho ema ke hona. Keha ba sa khone ho parola. Mogenerale e moholo, Joshua, a tlameha ho emisa letsoho la hae a letsa terompeta, ea, “Emang! Lesang ho hoanta! Kutu e teng ka pel'a rōna. Re likiloe ke lithaba ka maphakong. Re kene tlase mona phuleng, ’me re tlamehile ho ema.”

⁸⁷ ’Me hang ha Kereke eo e ema, ke mohla Satane a nkang taolo. Eka khona ho tsamauoe, ka linako tsohle le ka potlako, ho hoantela Sione. Le se ke la jarisa Kereke ea Molimo o phelang molato oa ho ema.

⁸⁸ Eaba ba ema, 'me ha thoe, "Molato ke ofe mona?" 'Me hang hoba ba eme ba hloma litente tsa bona, ba qala ba phomola nakoana, ba utloa mabili a rorang. 'Me fera ea bona feela ea ho phonyoha e le ho checha ka santhao. 'Me mabotho a Faro ke ana a phalletse, a kena ho thibella, kapa ho kena mocheng.

⁸⁹ Lona masole, a tsebang maqiti, kamoo ba ba thibeletseng ka teng. Keha Leoatle le Lefubelu le eme ka pel'a bona, ekaba bophara ba limeile tse peli kapa tse tharo. Mona ke lithaba tse rafohileng; ba sa khone ho li hloa. Ba ne ba tla tšoana le linku, tse hasaneng mono, e le tekele ea motho ea fulang ka seqha. 'Me ka morao ho bona, kahobane ba ile ba ema, sera se phalletse.

⁹⁰ Ho suptjoa taba ena, metsoalle, esita le mohoantong oa kajeno o eang Lefatšeng la pallo, sera se bohato bo le bong kapa e mebeli ka mora rōna. Re ke ke ra emisa tsoseletsong ena. Ho ke ke ha memeloa ho ema. Lula u tsamaea feela. Tsoelapele feela. Boteng ba Moea o Halalelang bo bile le lona, bosiung boo ba maoba, le maobane bosiu. Joale lulang le ntse le kena kahara Hoo. Le se ke la memela ho ema, hoba sera se haufi ka mora hao.

⁹¹ 'Me hang hoba ba memeloe ho ema, 'me ho bonoa lebotho la Faro le phalletse, le sa le sebakana; e—e ho rora ha mabili a makoli a ntoa, le lerole le lopaletsse, le litlatse tsa masole. Nako e kakang! Ea hla ea hlahaftsa batho.

⁹² Empa e mong a le teng, hara bona, ea tsebileng ho se lebaka la ho khathatseha. A kile a tšoara seboka pele. A tseba se hlokoang ho tšoara Molimo. Ka baka leo holimo, re ka rialo, holima leralla, holima lefika le itseng, keha Moshe a ipatetse bana bohole ba Iseraele, 'me teng a tšoara seboka. "Morena, ke tsamaile ho fihla nqalong ena, empa re emisitsoe ke kutu. Re ile ra tlameha ho ema."

⁹³ Joaloka moena oa rōna mona ea setulong sa bakuli. Ekaba uena ea lutseng mono a jeo ke mofetše, kapa ea jeoang ke pelō, kapa ntho eo u e tsebang hore u tli'l'o shoa hona joale. Sera se u emisitse. Se u khinne. Ekaba u eme kahobane sera se u khaolelitse. Ekaba ntho e teng bophelong ba hao, e u emisitseng. E ka bang eng, u sa ntse u filoe monyetla oa seboka. Ha re rerisaneng le Eèna. Ha re etseng ho hong ka eona. Ho sa tsottelehe hore sera ke sefe, ha se fete Molimo oa rōna ka boholo le ka mohla. Re hloka seboka.

⁹⁴ Ebile Moshe o a nyoloha, a potela ka morao ho tulo e itseng, re ka rialo, a tšoara seboka le Molimo. A sa tsebe se ka etsoang.

⁹⁵ Ekaba ha u tsebe se ka etsoang. Ekaba u moetsalibe, 'me u entse sebe se se ngata. Ekaba u tsubile hofihlela u sa khone ho tsuba hape, 'me ha u khone ho khaotsa. Ekaba u noele hofihlela u sa khone ho noa hape, 'me ha u khone ho khaotsa. Ekaba u fihlela moo u tletseng sebe le takatso hona, hofihlela

u tlameha ho sheba mosali e mong le e mong eo u 'monang, ea phoso. Kapa, ekaba u khopamisitse mehloli ea hao ea hlaho. Mohlomong o eme tsi. Ha ke tsotelle moo u leng teng, Molimo o sa ntse a ikemiselitse ho tla ho uena, ka seboka, le ho lokisa litaba le uena. Ekaba u pshatlile lelapa la hao. Ekaba o ngalile monna oa hao, kapa o ngalile mosali oa hao. Ekaba o furaletse bana ba hao. Li ka ba ngata lintho bophelong bona, tseo sera se u tšoasitseng ka tsona, empa, hopola, moena oa ka, khaitseli, u sa na le monyetla oa seboka le Molimo. E, monghali. Lokisa litaba le Eèna. "Ke thuso e leng teng nakong ea tlokotsi."

⁹⁶ Re bona Moshe a ile a tšoara seboka ke hona. Mohlomong seboka e le sena, "Oho uena Motsamaisi e moholo oa Israele, ke entse hona hohle ka taelo ea Hao. Ke entse hoo. Ke tsamaisitse batho bana kamoo U ntaetseng kateng. Ke khurumelitse batho ka mali. Ke theotse likotlo tse tsoang leholimong. Ke entse sohle seo U ntaetseng sona. 'Me ke rōna bana, re tšoasehile. Ke tšoanela ho etsa'ng, Morena? Ke tšoanetse ho tšoara seboka sena le Uena." 'Me mohlomong a lutse holima lefika, kapa a eme haufi, pel'a lefaru la lefika, moo Moshe a neng a rapela teng, tulong ena e itseng, e ikhethang mohla tsitsipano ena.

⁹⁷ Ntho e ne e tlameha ho etsoa, ho seng joalo ba tla phetšeloa tlasa mabili a makoloi a ntoa. Ba ne ba tla theselakoa, ngoana e mong le e mong oa Moheberu. Masea a ne a tla pshatlakoa, lihlooho tsa oona li otlanngoe lejoeng. 'Me bomma bona ba sehoe ba buloa, ka mono, ba rusulloe. 'Me bontata bona—bona ba fenethoe. E ne e le mohla tsitsipano.

⁹⁸ Ekaba ho hlahile nako ea tsitsipano ea mofuta oo, mohlomong ha se ka mokhoa oo, empa ekaba u tšoeroe ke kankere. E ka ba boloetse bo bong. E ka ba sebe se u tšoere. 'Me se til'o u pshatla se u theolele liheleng tsa liabolosi, e leng karohano le Molimo. Tšoara seboka, ka potlako.

⁹⁹ 'Me eareha seboka sena se tšoaroa, Molimo oa ema holim'a lefika, lephakong la Moshe. 'Me Oa re, "Khutlela liahelong, Moshe. Khutlela hantle moo u qalileng teng. Ke 'na Molimo. Theohela mono 'me u bolelle batho, ho tsoelapele. Ke tla etsa tsela ha nako ea ho etsa tsela e fihla. Ke Molimo o etsang tsela."

¹⁰⁰ Moshe, hoba seboka se tsoe, 'me a se a ntšitsoe ka pel'a Sefahleho sa Molimo, ka taelo ea ho tsoelapele, o ile a theoha a re, "Se tšabe, Israele. Ema, kajeno, 'me u bone Matla a Molimo oa rōna. Toba nqa leoatle. U se ke ua fapoha taelo. Taelo ke, 'Tsoelapele!' Lefatše la pallo ke la rōna. Sera sena se thibile tsela ea rōna, se re khaotse. Empa Molimo o itse, 'Tsoelapele!' U 'ne u tsamaee."

¹⁰¹ Ke bona bothata ba kereke kajeno. Molimo o a u bitsa, 'me O batla ho u nea mpho e 'ngoe ka morao ho mpho e 'ngoe, le matla a mang ka morao ho matla a mang, le mohau o mong

ka morao ho mohau o mong. Empa u a ithophisa, e be, "Ha ke khone ho tsoa tema, hobane kereke ha e ntumelle." Ua bona? Ha ho sebaka sa ho ema ka ho Molimo, ha ho sebaka sa mokhotloana oa bolumeli. Ha ho sebaka sa lipeelo tse itseng. Taba e leng teng, ke ho tsoelapele. Bua Lentsoe la Molimo 'me u tsoelepele. Lula u ntse u tsamaea. Tsoella u tsamaee. Molimo o re e lokile, e lokile. Le tšoere thomo ea lona.

¹⁰² Haeba ba re, "Be, ke ile kerekeng ea ka, 'me ba itse ke ne ke sa tlameha ho etela tabernakele eo. Ke ferekane ka hohle joale, hore ke tlameha ho fumana Moea o Halalelang, kapa che."

¹⁰³ Pallo eo ke ea hao. "E etselitsoe uena, le bana ba hao, le bohle ba leng hole, esita le bao Morena Molimo oa rōna a tla ba bitsa."

¹⁰⁴ Eng? Bua Lentsoe la Molimo. Molimo o boletse joalo. Tsoelapele. Sheba sera ha se qhalana. Sheba Leoatle le Lefubelu ha le buleha. Tšoara seboka. Tsoelapele. Ehlide, le tla buleha. Molimo ke fera ea ho phonyoha. O entse tsela, e tobang lefatše la pallo ka kotloloho. Ntho efe e thibang tsela ea Hae, O e suthisitse tseleng. Ha ntho e kena tseleng ea hao, aku tšoare seboka le Molimo. Lokisa litaba le Eèna, 'me u tsoelepele.

¹⁰⁵ Ke sona seo Molimo o se bolellang Esaia mona. "Oh, u tletse sebe. Libe tsa hao li joaloka sekarelata. Hobane'ng u sa tle 'me ra lokisa litaba 'moho? Hobane'ng u sa tle 'me ua rerisana le 'Na? Mohau oa Ka o lekane."

Seboka sa Leoatle le Lefubelu.

¹⁰⁶ Ho kile ha tšoaroa seboka se seng lilemo tse ngata tse fetileng, ke rata ho bua ka sona nakoana feela. E ne e le ka sehla sa Yuletide seo re se kenelang hona joale, hore na ebe KereSEMose e tla ba teng, kapa che. Empa eaba ho tšoaroa seboka Leholidong, mabapi le seo leano lena la topollo le tla ba sona. Eaba Molimo o etsa qeto, hore O tla fetoha Monna, hore O tla theoha 'me a Ipelese thohako ea Hae ka Sebele. E ke ke ea eba toka ho Eèna ho roma Lengeloi. E ke ke ea eba toka ho Eèna ho roma motho e mong osele. Le holane A ne a ena le moshanyana, e ke ke ea eba toka ho Eèna ho roma moshanyana oa Hae.

¹⁰⁷ Ha se toka ho 'na ho sotla Joseph ka lintho tsa kahlolo ea ka. Ha se tšoanelo, ho etsa joalo. Haeba ke lihile kahlolo ea ka, 'me ke batla ho e lopolla, ntho eo nka e etsang ke ho utloa bohloko ba eona, ka bona.

Ke eona pontšo eo. Ke eona petso ea lefu ho Satane.

¹⁰⁸ Joale, moena oa ka oa Katolike, le lona Maprotestanta a heso a mangata, ha ke le utloise bohloko. Empa ha le leka ho etsa Jesu Molimo o monyenyanne o ka tlasana ho Molimo, ho Mo etsa Molimo o ka tlasana, le poma maoto a Hae, le Mo theolela ka tlasana ho hlooho ea Molimo le Mo etsa Molimo o monyenyanne. Le hlile le fositse.

¹⁰⁹ Jesu e ne e le Monna. O ile a Ipitsa Mora motho. Eo e ne e le petso ea lefu ho Liabolosi.

¹¹⁰ Liabolosi o phahame, o ile a haha 'muso o fetang oa Mikaele ka bokhabane. Kaine, mora oa hae, keha a batlile ho ntlaufatsa aletare ea hae, ntho eohle ka litholoana le ka lintho. Molimo ha o ahe ka botle ba mofuta oo.

¹¹¹ Empa, Molimo, ho otla petso ea lefu ho sebe, shebang kamoo A tlileng kateng. O ne a khethe ho tla joang? Ho ne ho tšoaroe seboka Leholimong. "U tla theoha joang? U tla e khona joang, Ntate," Mangeloi a rialo.

¹¹² "Ke tla fetoha e mong oa bona. Molao oa Ka oa topollo, ke, 'Oa lesika ea haufi.' 'Me Ke tla tlameha ho fetoha Monna, ka Sebele.' Ke eona petso e kakalalitseng Satane. Tsoalong! A ka be a theohile ka Likerubime. A ka be a theohile ka lihloelollo tsa gauta. Lithoko li ka be li binnoe maholimong, 'me A ka be a theohetse lefatšeng a tsamaea, 'me a leleka ntho eohle. Empa mohla A ne a tšoara seboka, O entse qeto ea ho tla joaloka Lesea.

¹¹³ Ho Esaia 9:6, rea e fumana. "Re tsoaletse Ngoana, re neiloe Mora; 'me 'muso o tla beoa mahetleng a Hae; Lebitso la Hae e tla ba Moeletsi, Khosana ea Khotso, Molimo o Matla, Ntate Ea sa feleng. 'Muso oa Hae o ke ke oa eba le bofelo."

"Ena e tla ba pontšo ho lona, Lesea," e seng Molimo, "Lesea."

¹¹⁴ Shebang moo A tsoaletsoeng. Qeto e ne e lokele ho etsoa, sebokeng, hore O tla tsoalloa kae, ho etsa bonnete ba hore E ne e le Monna. O ne a tsoalloe setaleng. O ne a khethe, sebakeng sa—sa hore A tlisoe ke molebeli oa paleisi ea linaka tsa tlou, sebakeng sa ho feheletsoa ke Lengeloi, sebakeng sa ho thetha Likerubime, le ka—le ka makhabane a Leholimo, O ile a Itšunya, a Ikenya kahara setala, holim'a moiteli oa liphooefolo, lithole le tšila ea lefatše. E ne e le Monna. E ne e se Molimo o ka tlasana. E ne e le Monna. Ho tsoaloa joaloka rōna, ka litšila tsa tsoalo, ho tla ka popelo ea mosali. E seng Molimo; Monna! E ne e se letho, 'me, ha ho makatse, ha e le pontšo e kholohali.

¹¹⁵ Le bona kahara likopano, pontšo ea temoho ea moea, Boteng ba Molimo o phelang. Le bona lipontšo hohle, tsa Hae. Empa e re ke u bolelle sena, moena oa ka, khaitseli ea ka. Ha ho eso hlahe pontšo, e hlollang hakana, e kang pontšo eo Mangeloi a e tsebisitseng molisa, "Le tla Mo fumana setaleng, a phuthetsoe ka lesela le mahoashe." Le ka bona seo Molimo o leng sona. Ke eona. Ke semaka ho 'na, kajeno.

¹¹⁶ Hobane'ng tsoseletso e ka kena motseng, e le ea 'molelli ea tsoileng ka mahetla, 'me ho tla eta limelala, majoro oa motse, le limelala tsohle, kapa ba apereng hantle, 'me bafutsana ba batla ba shebeloa tlase? 'Me le bua ka moreri ea itseng ea khoesitseng thuto ea tonana, ea ka buang mantsoe a

mathemaloli a ka hlohlontšang kutloisiso ea hao feela, mantsoe a matonana ao mofutsana a sa tl'o a utloisia, hoo le ho bitsa ntho e kholo.

¹¹⁷ Na ha le bone hore Molimo o ahile boikokobetsong? “Ena e tla ba pontšo. Lesea le tla phutheloa ka lesela le mahoashe, le robatsoe sejelong, holim'a moiteli oa makhomu le oa manku.” Oh, khili! Ke eona pontšo. “Ena e tla ba pontso ho lona. Le tla fumana Lesea mono.”

¹¹⁸ Hangata, batho ba nahana, “Kahara nthoana, tabernakele ea khale e makhasa, bareri ba batlang ba sa tsebe li-ABC tsa bona, maquloana a linokoane le manoajoala, le ntho eohle esele, e sokolotsoeng, ba se nang thuto, ‘me ba sebelisa puo ea boroa e tsoanang le ea hae, ‘hain’t,’ le ‘carry,’ le ‘tote,’ le ‘fetch,’ le ke ke la fumana Molimo mono.”

¹¹⁹ Empa ke hona moo le Mo fumanang teng, a phuthetsoe ka lesela le mahoashe, boikokobetso. Le nahana hore e tla ka tsela e itseng e kholo. Ha u hlile u batla ho tšoara seboka sa hao sa ‘nete le Molimo, fumana batho ba kang bao, u ntano lokisa litaba. U ka bona mosebetsi oa Molimo, kamoo A sa kang a nka ‘metlatšoantšo, setaki se itseng se seholo le ntho e itseng, ‘me oa mo buisa puo ea hlalefo. Empa O nkile ntho eo e seng letho, ho theoha joaloka A entse khetlo la pele.

¹²⁰ Motho o buile, nakoana e fetileng, “Hola temoho ena ea moea le pholiso ena, le lintho tse joalo, e ne e le ea Molimo, bolaoli ba Katolike bo ka be bo ena le eona.”

¹²¹ Hobane’ng bolaoli ba Bojude bo ne bo se na eona? E ne e sa tsoalloa kahara paleise. E ne e tsoaletsoe kahara setala. O ne a sa apara liaparo tse rokiloeng ka nalete, empa likatana tse tsoang sekotlong sa joko ea pholo. Ho robatsoa holim'a qubu ea moiteli; Mora Molimo, tabernakele eo Molimo o phetseng kahara eona. O kile A etsa qeto ea ho tla joalo. ‘Me re tlameha ho khoesa likholloro tse hlanotsoeng le libaki tse kang mese tse mehatlana, le lilihali, likereke tse ntle le litsullu tsa gauta. “Ena e tla ba pontšo. Le tla Mo fumana kahara lesela le mahoashe, a phuthetsoe ka lesela le mahoashe, ‘me a robalitsoe sejelong. Ke eo pontšo ea lona.”

¹²² Molimo o ahile boikokobetsong. E seng bokhabaneng; oo esale e le mohopolo oa Liabolosi. Molimo o tla ka boikokobetso. “Eo e tla ba pontšo.” Ha se Molimo o katlasana, empa Monna. Monna! O llile joaloka lesea, mohla E ne e le Lesea. O ile a bapala literateng, joaloka moshanyana, mohla E ne e le Moshanyana. O sebelitse levenkeleng la ‘metli le Josefa, e le Monna ea sebetsang. O ne a ejia ha A lapile. O ne a fufuleo ha A ne a chesa. O ne a lla ha A hlomohile. E ne e le Monna.

¹²³ “Ena e tla ba pontšo ho lona. Molimo o tla aha le lona, ka boikokobetso...” E seng nthohali, monna e moholo ea safohileng, empa mothoana, Monna ea tlase ea se nang le seriti.

Pontšo! Ke eona petso ea lefu ho Liabolosi, hantle mono. Ke eona petso ea lefu ho mokhatloana ofe feela oa bolumeli le ho bokhabo, le ho bokhabo bohole le khanya ea lefatše lena. Ke petso ea lefu, haele moo Molimo oa Leholimo a khethile ho tla ka mokhoa oo.

¹²⁴ Ke sona se etsahetseng sebokeng. Qeto e ne e tlamehe ho etsoa. O ne A khethe ho tla joalo. O ne a sa tlameha ho tla joalo. E ne e le Molimo oa Leholimo, empa O khethile ho tla joaloka Lesea. O khethile ho tla joalo. Ke sona se etsahetseng ka seboka sa Leholimo.

¹²⁵ E reng ke bitse se seng, kapa tse peli, liboka. E reng ke bitse sena. Ka mohla o mong...ka mora ho phela bophelo bo phethahetseng ba lilemo tse mashome a mararo a metso e meraro le halofo. Monna ea neng a batlile ho phela hakaalo kaha ke batla ho phela, hakaalo kaha u batla ho phela. Monna Ea neng a ka phelela ho hong, A ena le baena bao a ba ratileng, batho bao A ba ratileng, A ratile ho bona matsatsi a likelang. Hopolang, Jesu e ne e le Monna. Molimo o ne o le ka ho Èèna.

¹²⁶ Eaba ho fihla nako, mohla Moea o neng o etella Konyana pele, Leeba.

¹²⁷ Seboka sa tlameha ho tšoaroa lipakeng tsa Konyana le Leeba. 'Me eaba ba etsa sebaka sa ho se hlophisa. Ka mora selallo bosiu boo, ba tšela molatsoana, Kerithe, 'me, kapa nqa e 'ngoe. 'Me ba tšela molatsoana, ba kena serapeng se bitsoang Gethsemane. Ba tlameha ho tšoara seboka. Molimo le Kreste ba tlameha ho rerisana. Konyana le Leeba tsa tlameha ho lula 'moho. Leeba e le lona le tlamehang ho bua le Konyana, 'me e le mabapi le lefu la Konyana.

¹²⁸ Joale, eitseha ba lula pel'a lefika leo, Mangeloi ohle a theoha Leholimong, ho tla mamela seboka sena. Oh! Keha Gabariele a le teng, Mikaele, Lengana, likete tsohle tsa oona, keha li teetse lejoe leo hare.

¹²⁹ A re ho barutuoa ba Hae, ba khathetseng, ba ile ba tšoara likopano tse ngata tse kholo, ba tepeletse, mohlolomong joaloka lona hoseng hona. Empa A re, "Na le ka leta le 'Na hora e le 'ngoe? Hoba Ke tlameha ho ea koana ho ea tšoara seboka. Ke tlamehile ho ea ke le mong." 'Me eitseha ba . . .

¹³⁰ Eaba seboka sea lula. 'Me Konyana, e ncha, ka bophelo botle, bophelo bo joalo ha bo eso be teng. Ha bo eso be teng, ha bo sa tla ba teng, bophelo bo kang boo Konyana e bileng le bona. Empa joale Ntate o itse, "Na U ikemiselitse? Na lerato la Hao ho baena ba Hao le boholo bo lekaneng? Na lerato la Hao ho lefatše leo le tletseng sebe, le nkhang leo U tsoaletseng ho lona, na U le rata ho lekaneng ho tela bophelo ba Hao? Na U ba rata ho lekaneng ho ba emela, ho jara libe tsa bona, ho isa lefung le thata-thata, le mahlonoko?" Uena . . . Ho se letho ho shoa lefu le joalo ntle le Èèna.

¹³¹ 'Me sebokeng seo, ha etsoa qeto e kakang, hofihlela Mali a rotha phatleng ea Hae. O ne a kene tlasa khatello e boima. Libe tsa lefatše li ne li le holima Hae. Eaba O sheba Leeba sefahlehong, le ho re, "Ho se etsoe thato ea Ka, ho mpe ho etsoe thato ea Hao."

¹³² Oh, na re ka etsa qeto eo lipelōng tsa rōna hoseng hona? Na u ka tela nthoana eo, ea bophelo ba hao bo litšila? Na u ikemiseltse ho Mo sheba sefahlehong ua re, "Ho se etsoe thato ea ka"? "Ke letaho, empa ha ke sa tla noa. Ke semokolara; ha ke sa tla noa. Ke mekhoa e litšila, empa ha ke sa tla ba joalo. Ke raleshano, empa kajeno ke tla le khaotsa. Ke motho e mobe. Empa sebokeng sena, hoseng hona, ke tlil'o U sheba sefahlehong, 'me ke khethe, joaloka Mong'ame Ea nchoetseng, ho hleka tsela ea ka, 'Ho se etsoe thato ea ka; thato ea Hao.' Leha e ka nqosa lelapa la ka. Leha e ka nqosa monna oa ka, mosali oa ka, ntate oa ka, 'mè oa ka, setsoalle sa ka, botho ba kereke ea ka, leha e ka nqosa eng. Sebokeng sena, hoseng hona, ke re ke batla Moea oa Hao o Halalelang o phele ka ho 'na. Ke utloetse ka Oona. Ke U batla kahare ho 'na. E seng ea ka, empa ea Hao. Ke qeto ea ka eo." Molimo o khethile sebaka, ha se holim'a qhooa, nqalo e tsulling, empa tabernakele e nyatsehang e seng e batla e hohlomela kahare. Re tšoere seboka.

¹³³ Ha nke ke bue ka seboka se seng mona, nakoana feela. Ho ka hopoloa tse ngata. Ho ne ho tšoaroe seboka ka mora lefu la Hae, kepèlo, le tsoho. Keha ntho e 'ngoe e tlamehile ho etsoa. E ne e le banna ba nang le kutloisiso ea hlalefo, eaba ho hlophisoa seboka se seng se seholo. Rea se tseba, kahara Bibebe, e ne e le Pentekosta.

¹³⁴ Ba ne ba tlamehe ho tšoara seboka. 'Me ntho e 'ngoe ea tlameha ho etsoa, hobane Jesu o itse, "Le se hhole le rera. Le se hhole le bina. Le se hhole le tsoa ho ea rera. Empa Ke batla ho tšoara seboka le lona. 'Me sebokeng sena, Ke tla romela Moea o Halalelang. Le mpe le nyolohela motseng oa Jerusalema, le lule teng Ke tle ke be ke khutle. Eka khona Ke ke nyolohela Leholimong, hore ba tle ba thabe. 'Me ke tlameha ho nyolohela e—Teroneng ea Boholo," 'mele, Jesu, "empa Ke tla... Re tla tšoara seboka holimo Mane. 'Me Molimo o ahileng ka ho 'Na o tsepisitse hore Nka boela ka khutla hape, 'me Ke tla ba ka ho lona; le lona, ka ho lona, ho isa bofèlong, lefatše. Pele ntho eohle e fela, Ke tla ba le lona. 'Me mesebetsi eo Ke e etsang le lona le tla e etsa."

¹³⁵ Ba sa tsebe na ba tla e sebetsa joang, eaba ba nyolohela Pentekosta ke hona, 'me ba lekholo le mashome a mabeli ba nyolohela phaposing e kaholimo 'me ba koala monyako, 'me ba ema 'me ba ema.

¹³⁶ Bothata ba rōna, haeba re sa fumane e—karabelo nqa Molimo metsotsong e ka bang leshome, re khathetse, mangole

a rōna a utloa bohloko. Re batla ho tsamaea. Haeba A sa re arabele kamoo re batlang, kamoo re nahananang kateng, re se re khopisitsoe ke Eēna. “Oh, tloong, ha re lokiseng litaba.”

¹³⁷ “Nyolohelang Pentekosta. Ke batla ho lokisa litaba le lona. Nyolohelang mono feela le eme.”

¹³⁸ Matsatsi a leshome, esale ba lutse, ba eme, ba rapela, le ntho eohle, ba emetse pallo. “Me hang feela, litholoana tsa seboka se Leholimong tsa theoha, Moea o Halalelang, eka moea o fokang ka sefefo, ‘me Oa tlala ntlu eohle eo ba neng ba lutse ho eona. Ba tlala Moea o Halalelang.” Me ba tloha ba tsoelapele, ba ntse ba rera Lentsoe.

¹³⁹ Ha re tšoere liboka tsa lefatše, ka tloaelo ba khetha sebaka. ‘Me libokeng tsena ba etsang? Ba noa lino, likhokteile. Ba tsuba lisigara le lisikarete. Ba bolellana mashano, ‘me ba thetsana, ‘me ba bua ka khotso ea lefatše.

¹⁴⁰ Empa Molimo ha o memela seboka, ke ho itima lijo, ho hloekisa, thapelo, ho amohela litaelo, le ho tsoelapele. Ke seboka sa Molimo seo. Hase ho keteka, empa ho itima lijo. Hase ho itaha litšileng, empa ho arohana, ho itlhoekisa bokhopong bohole, ha u kena ka pel'a Molimo. Ho itlhoekisa ka tumelo, ka ho tšasa hisopa Maling le ho hloekisa pelō ea hao, le ho tsamaea ka pel'a Molimo, bakeng sa seboka. Ke liboka tsa mofuta oo ha u kopana le Molimo, ebe moo Molimo a u fang litaelo. U ntano tsoelapele, O tsamaea le uena.

¹⁴¹ Re ka nahana ka liboka tse ngata tse kholo. Empa nako e ke ke ea lumella. Ho sa tsoa tšoara seboka haufinyane.

¹⁴² Ho kile ha tšoaroa seboka matsatsing Martin Luther, mane hlabollong. Molimo o ile oa bitsa Martin Luther, ho rera tokafatso, ‘me o e entse.

¹⁴³ Ho kile ha tšoaroa seboka matsatsing a Wesley, koana Engelane, ho rera khalaletso, ‘me eaba Wesley o a paka.

¹⁴⁴ Nkile ka apara baki ea hae, baki ea ho qetela eo a neng a e apere, kobo. Nkile ka ema sefaleng sa hae moo a neng a rerela sekete le makholo a mahlano hoseng ho hong le ho hong ka hora ea bohlano. Ho khumama ka phaposing le ho leboha Molimo ka bophelo ba hae, eona phaposi eo a shoetseng ho eona. Ka hare ka mono, eare Moea o sa lutse holim'a ka, ka nahana, “E, Wesley o ne a tšepahetse.”

¹⁴⁵ Mangeloi a halalelang a Molimo, le Molimo, a ile a tšoara seboka, ho thoe nako ea ho rera khalaletso e ne e fihlile, ‘me ba ne ba khethe Wesley. ‘Me o ile a tšepahala ho eona.

¹⁴⁶ Eaba ho latela ea Pentekosta. E ne e le nako ea khutlisetso ea Pentekosta. Ho ile ha tšoaroa seboka Leholimong. “Na e se e le nako ea ho tšela bottlalo bohole ba Moea?” ‘Me O ile oa tšoloha, ‘me ba rerile ka Oona. ‘Me re O fumane, le ho amohela Moea o Halalelang.

¹⁴⁷ Joale kea lumela re fihlile sebokeng se seng hape, sona, ke ho Khutla ha Mora Molimo. O itse ho barutuo ba Hae, “Ha Ke tsebe motsotsotso le hora; ha ho ea tsebang, esita le Mangelo. Empa ka tsatsi le leng ho tla tsoaroa seboka,” ka mantsoe a mang, “’me Ntate o tla etsa qeto ea nakoana eo Ke tla khutla ka eona.” Kea kholoa seboka seo se ntse se tsoelapele. Liqeto li ntse li etsoa.

¹⁴⁸ Moea oa Hae o fihla holim'a lefatše, o le matla hakana, hofihlela O ema kahara phutheho, o senola mehopolo ea kelello. ’Me Bibele e itse, “Lentsoe la Molimo le bohale, le matla ho feta sabole e leolitsoeng ka nqa tse peli, le hlaba ho isa mokong oa lesapo, ’me ke Mosenoli oa mehopolo ea pelō.”

¹⁴⁹ Mohla Filipi a ne a fihla ’me a sokoloha, ’me ebile o tloha ho ea lata Nathanaele. ’Me Nathanaele a fihlisoa, Mojuda, ka pel'a Jesu. ’Me esale a ’molella ka Eèna, ha thoe, “Be, Nathanaele, khele, matsatsi a ’maloa a fetileng, ho ile ha fihla motšoasi oa khale ea sa balang oa lihlapi ho Eèna, ’me O tsebile. O ile a bitsa lebitso la hae, ho ’molella hore na ke mang. Na ha u tsebe, hore Messia eo moporofeta oa rôna a itseng o tla fihla, na ha u elelloe hore Messia eo e ne e tla ba moporofeta, Molimo-Moporofeta? Ke Eo. Ke Eèna.”

¹⁵⁰ Nathanaele o tlamehile a be a itse, “Ha ke lumele taba eo. Ke tla ea iponela.” Empa eitseha a fihla ka pel'a Sefahleho sa Jesu, Jesu a re, “Bonang Moiseraele eo ho seng mano ho eèna.”

¹⁵¹ ’Me eitseha A etsa hoo, a re, “U ntsebella kae, Rabbi?”

¹⁵² Ha thoe, “Le pele Filipi a u bitsa, u sa le tlas'a sefate, Ke u bone.”

A re, “U Mora Molimo. U morena oa Israele.”

¹⁵³ Mohla, mosali oa Samaria, ea nang le banna ba bahlano, a ne a fihla ho Eèna. ’Me o itse... Eitseha a qala a kha metsi, a bona Mojuda, a lutse. A re, “Ak'o Mphe metsi.”

¹⁵⁴ Ua bona, O ne a nyoriloe, joaloka Monna. E ne e le Monna. ’Meleng oa Hae, E ne e le Monna. Moeeng oa Hae, E ne e le Molimo. “Molimo o no o ahile ka ho Kreste, ho busetsa lefatše ho Oona.”

Ha thoe, “Ak'o Mphe metsi.”

¹⁵⁵ A re, “Khele, hase tšoanelo.” Ka mantsoe a mang, “Khethollo e teng har'a rôna. Hase tšoanelo ho nkopa hoo.”

A re, “Empa holane u tsebile Eo u ntseng u buisana le eèna.”

¹⁵⁶ Oh, kea ipotsa, hoseng hona, holane re tsebile se kahara phaposi ena. Holane re tsebile hobane Moea o Halalelang, ka Seqo, oona O tla paka o re buella kapa ho paka khahlano le rôna, ka Letsatsi la Kahlolo, o teng mona kahara phaposi, ’me o tseba mehopolo ea rôna.

¹⁵⁷ “Holane u tsebile Ea buang le uena, u ka be u kopile metsi ho ’Na.”

A re, “Seliba se tebile.”

¹⁵⁸ A tsoelapele ho qoqa le eèna hofihlela A hokahana le moea oa hae. ’Me A re, “Ea lata monna oa hao le tle koano.”

A re, “Ha ke na eèna.”

¹⁵⁹ Ho re, “U boletse teng. U bile le ba bahlano, le eo u phelang le eèna hase monna oa hao.”

¹⁶⁰ A re, “Monghali, kea lemoha hobane U moporofeta. Joale rea tseba, Messia mohla a ttileng, O tla etsa lintho tsena. Empa Uena u Mang?”

¹⁶¹ Jesu a re, “Ke Eèna.” Oh, khili! “Ke Eèna, ea ntseng a bua le uena.” Monna ea nyatsehang feela, ea kopang metsi, ha se nthohali e khabileng e theohileng Leholidong. Ha se Terone e Tšoeu e lutseng mono, empa Monna [Moena Branham o kokota hane sefaleng—Mong.] ea kopang metsi a nooang, ho timola lenyora la Hae! “Ke ’Na ea ntseng a bua le uena.”

¹⁶² ’Me eaba o matha a kena motseng a re, “Tloong, le bone Monna Ea mpoleletseng lintho tseo ke li entseng. Na ha se eona pontso ea Messia? Na ha se Eèna?”

¹⁶³ Eèna eo Ea kileng a tšepisoa, ke baporofeta motšeо koana kahara Testamente ea Khale. Ha thoe, “Ho tla fihla mohla ba tla ingolisa le kereke feela, le ho tsamaea kereke ebe batho ba batle ba lokileng. ’Me ba tla bopa mekhatlo le lintho. ’Me e tla ba letsatsi le lerootho, ho se lefifi kapa Leseli. Empa nakong ea mantsiboea, Leseli le tla chaba.” Liporofeto tseo li tlameha ho phethisooa.

¹⁶⁴ Le sa hopola, maobane bosiu, seboka sa rōna Leholidong? Molimo keha o phuthile Mangeloi ohle, ka mathoko, ho tšoara seboka, ebe A ka khetha mang ho phethisa lentsoe la moporofeta, ho ntša Elia...kapa ke bolela ho ntšetsa Akabe mono, ho mo bolaea.

¹⁶⁵ Joale seboka se ntse tšoeroe Leholidong. Maseli a mantsiboea a fihlile mona. Libomo tsa athomiki li leketlile hohle, ’me re nakong ea qetelo. Liboka tsa lefatše li fihlile pheletsong. Nako ea seboka sa Molimo e a atamela. [Moena Branham o kokota hane sefaleng—Mong.] Mantsoe ana a tlameha ho phethahatsoa ho Balichaba. [Moena Branham o kokota ha robeli sefaleng.] “Mesebetsi eo Ke e etsang le tla e etsa le lona.” Nako e fihlile mona. Seboka se se se tšoeroe. Moea o teng mona.

¹⁶⁶ Joale, motsoalle, ho koaleng, ke bua sena. U sebokeng, hoseng hona. U mono. ’Me nyoe ea hao e mothating oa ho seka-seko. Nyoe ea ho kula ha hao—hao e mothating oa ho seka-seko ka pel’A Molimo o mohau. Nyoe ea hao ea sebe e mothating oa ho seka-seko ka pel’A Molimo o mohau, ’me u etse bonneta ba ho e amohela.

¹⁶⁷ Hoba, e re ke u bolelle, ke tlil'o bua ka seboka sa ho qetela se tla tšoaroa le ka mohla. Molimo o ke o hahuhele. Ho tla ema ntho e le 'ngoe feela Mono: ka poelano. Ke eona Kahlolo. 'Me ntho e le 'ngoe e tla u boelanya, keha u amohetse Mali a Jesu Kreste, joaloka teballo ea hao, le ho tlatsoa ka Moea oa Hae. Se teng seboka seo monna e mong le e mong a tla kopana le sona, seo mosali e mong le e mong a tla kopana le sona, seo ngoana e mong le e mong a tla kopana le sona. Ho se ho khethiloe sebaka sa ho tšoara seboka seo, 'me Kahlolo ea Terone e Tšoeu tla lula. Molimo o kile oa lumella baporofeta ba Hae ho nyarela kahara eona, 'me ba itse, "Eaba ho phetloa Libuka, le Buka e 'ngoe, e leng Buka ea Bophelo. Likete tsa likete tse atisoang ka likete tsa basebeletsi le tsa Mangeloi lia Mo sebeletsa."

¹⁶⁸ Hape, ho ngoliloe, "Ekare ha ea lokileng a bolokeha ka thata, moetsalibe le ea khopo o tla ema kae?"

¹⁶⁹ Kemo ea hao e tla ba efe sebokeng seo? Mohlomong o fetile tse ling tsohle mohoalotso, bophelong ba hao bohle. U tla tsoa monyako ona, hoseng hona, 'me oa feta ena mohoalotso. Empa, motsoalle oa ka, u ke ke ua feta eo mohoalotso. U tla ema Mono. "Hoba motho o laotsoe ho shoa hang, e ntano ba Kahlolo." Ho tla fihla seboka se seholo moo bohle re tla ema 'moho. 'Me re tla arabela ka baka la hoseng hona, ka seboka sena sa lefatše seo re ileng ra se tšoara hoseng hona.

¹⁷⁰ Ha u le moetsalibe, amohela mohau oa Hae re sa rapela, le sa inamisa lihlooho tsa lona.

¹⁷¹ Pejana re rapela, 'me e re le sa inamisitse lihlooho tsa lona, kea ipotsa, hoseng hona, le sa lutse sebokeng sena, na ebe Moea o Halalelang ha u a bua le uena u re, "U molato."

'Me mohlomong u itse, "Moea o Halalelang, U a bona, ho *tjenana*."

¹⁷² Moshe o itsalo sebokeng sa Leoatle le Lefubelu. "Ho *tjenana*, Morena. Ke tsamaile hakana, empa ha ke khone ho tsoelapele. Ntho e eme tseleng ea ka."

¹⁷³ Mohlomong ntho e eme tseleng ea hao. Empa, hopola, Molimo o boleletse Moshe, "Tsamaea, bua le bana ba Iseraele, le tsoelepele."

¹⁷⁴ Ha u batla ho hopoloa polelong ea thapelo, na u ka phahamisa matsoho a hao ua re, "Nthapelle, moena." Molimo a le hlohonolofatse. Khele! Hohle kahara mohaho, litosene tsa matsoho.

¹⁷⁵ Ntate oa Leholimo, ka lentsoe lena le khakhaphehileng le tetetsehileng, ke therò, empa ka mokhoa ona, kapa oane, Moea o Halalelang o moholo o fetiselitse batho mohopoloo neng o lekantsoe. Mohlang oo, mohla moporofeta a ne a re, "Tloong joale, re lokise litaba, ho bolela Morena."

¹⁷⁶ “Joale tloong, re tšoareng seboka ’moho, hantle setulong seo re lutseng ho sona. Ke lutse mona, pel’ a hao. Ke ntse ke buisana le uena.”

¹⁷⁷ “Empa, Morena, ke entse sebe,” moetsalibe o rialo. “Ke entse tse ngata hakana. Ha ke—ke lumele U ka ntšoarela, Morena. Ke letaho. Ke seotsoa. Kea, oh, ke motho ea mekhoa e mebe. Ha ke lumele, Morena, nka boela ka fumana monyetla.”

¹⁷⁸ Ebe moo re utloang Mantsoe a matle ao a boela a khutla, “Leha libe tsa hao li ka ba joaloka sekarelata, li tla soeufala joaloka lehloa. Leha li ka ba khubelu joaloka krimson; ho nka maphele a masea a mangata le pele a tsoaloa, le—le lintho tse tšabehang. Leha li ka ba khubelu joaloka krimson, li tla soeufala joaloka boea ba konyana.” Mohau o mokakang! “Ha re lokiseng litaba,” ho bolela Molimo joale.

Ha re tleng, re tšoareng seboka sena, Morena.

¹⁷⁹ ’Me—’me U ntse u bua le batho ba Hao. Ba phahamisa matsoho a bona, hoo ho U supa u lutse pel’ a bona. Hoba ho ngoliloe Lengolong, “Ha ho ea ka tlang ho ’Na, a sa huloa ke Ntate oa Ka pele. ’Me bohole bao Ntate a ’Neang bona ba tla tla ho ’Na. ’Me Ke tla ba fa Bophelo bo sa feleng, le ho ba tsosa Letsatsing la bofelo.”

¹⁸⁰ Joale aba, Morena, hore e mong le e mong ea phahamisitseng matsoho a hae, le bao ba sa phahamisang matsoho a bona, hohle moo liboka tsa Hao tse nyenyane li tšoeroeng kahara moaho ona hona joale feela, le batho, ba ke ba amohole mohau oa Hao o leballang ’me ba tlale Moea oa Hao, le ho hlatsuoa ka Mali a Hao. ’Me qetellong ea tsela, U ke u re, “U sebelitse hantle, mohlanka oa ka ea lokileng, ea khabane. U ile oa tšepahala hoseng hoo, mane Seterateng sa Eighth le Penn, joale kena menyakeng ea Morena, e lokiselitsoeng uena esale lefatše le theoa.”

¹⁸¹ Morena, Molimo oa ka le Ntate oa ka, ke ba nehela ho Uena. Nke ke ka hlola ke etsa letho. Ke mpa ke le moreri oa Hao feela, ’me ke sitoa ho etsa eng hape. Ke ba Hao. Sebetsana le bona, Ntate, ho latela littlhoko tsa bona, tsa pelō ea bona. Rea ba lumella . . . kapa re ba laeletsa ho Uena, ka Lebitso la Mora oa Hao, Jesu Kreste. Amen.

¹⁸² Haeba le kile la elelloa, tabernakeleng, ha ke lumelle batho ho hula batho ba ba tlisa aletareng. Ha ke lumelle hoo. Ha Molimo a sa u tlise, ho thusang ho tlisoa ke motho e mong. “Ha ho ea ka tlang a sa huloa ke Ntate oa Ka pele. ’Me bohole bao Ntate . . .” ’Me Ntate o u hula kahobane lebitso la hao le ngotsoe Bukeng ea Bophelo ea Konyana. “’Me bohole bao A ’Neileng bona ba tla tla ho ’Na.” Leha u lutse setulong sa hao, aletareng, hohle moo u leng teng, u tla tla. Ke eona ka nèpo. Jesu o boletse joalo.

¹⁸³ Ka baka leo joale, ho lona baratehi ba phahamisitseng matsoho a lona, khato ea lona e latelang, haeba u eso kolobetsoe, ke ho kolobetsoa ka Lebitso la Jesu Kreste tšoarelong ea libe tsa lona. Ke tsona litaelo tsa ngaka tseo, Ngaka Simone Petrose, ea neng a tšoere linotlolo tsa 'Muso, ho le joetsa mokhoa oa ho kena.

¹⁸⁴ Ka Letsatsi la Pentekosta, ba itse, "Re tla etsa joang ho bolokeha?"

¹⁸⁵ O itse, "Bakang, e mong le e mong oa lona." Ke seo le sa tsoa se etsa. "Le ntano kolobetsoa ka Lebitso la Jesu Kreste tšoarelong ea libe tsa lona," ho bontša batho, le lefatše, hore u lumela (lefū, kepelo, tsobo ea Jesu Kreste) O nkile libe tsa rōna. "Le tla amohela neo ea Moea o Halalelang. Hobane pallo ena e etselitsoe lona, le bana ba lona, le ba leng hole, bao Morena Molimo oa rōna a tlang ho ba bitsa." Latela litaelo tseo.

¹⁸⁶ Haeba e se tabernakeleng ena, ebe tabernakeleng eo u eang ho eona, kereke eo u e kenang, e ka bang kae, u se ke ua lula kantle. Ikopanye le 'mele oa balumeli ba semoea kapele. E-ea ho Assemblies of God, kereke ea Molimo, Pentekosta ea Bonngoe, Pentekosta ea Bobeli, ea Boraro, e ka bang eng. Ha ke tsotelle moo u eang teng, empa fumana kereke ka potlako. Eba leloko la kopano eo. Haeba ba ruta lintho tse nyenyane, mohlomong, tseo u sa li khoneng; u se ke ua re, "Be, Moena Branham ha a rute joalo." Be, ha e etse phapang ea letho, leha ho le joalo. Ha u ena le Moea o Halalelang, tsoelapele. Iteanye le bona. Hatella ka matla. Re—re tlil'o fetoha bang, le hona.

¹⁸⁷ Mohla tempele ea Salomone e ne e raloa, lefatšeng lohle, e ne e raloe lefatšeng lohle, majoe a fapaneng a hlollang, le ntho eohle ese. Empa mohla a ne a qala a kopana, keha ho sa utluoe molumo oa saga kapa molumo oa hamore. Tempele e hahiloe ka lilemo tse mashome a mane, ha ho a utluoa morethetho ofe oa hamore, kapa ho hoba ha saga. Keha ohle a betliloe ka tšoanelo.

¹⁸⁸ Likereke tsena tsohle tse kholo, tse nang le Moea o Halalelang, li tla teana hantle 'moho li khohlele malulong a tsona a lekanang, ka Letsatsi leo, 'Meleng oa Kreste, bakeng sa Hloibilo. Ka baka leo iphumanele moo ba lumelang Evangel.

¹⁸⁹ Joale, metsoalle ea ka e khabane, ha kea tseba ke mentse nako ea lona e kaalo. Ha ke tsebe nako eo ke keneng ka eona. Na e ne e le mashome a mararo ka morao ho robong kapa hora ea leshome, kapa ntho e 'ngoe? Hora ea leshome. Ha ke khone... Na ke eona, halelele hakaalo? Ke batlile ke sa e lumele.

¹⁹⁰ Re na le nako feela ea ho rapella bakuli. Re ba tšepisitse. Joale, motsotsa o le mong feela. Ha le ka re fa metsotsa e leshome le metso e mehlano. Feel...Kea kholoa ke metsotsa e leshome le metso e mehlano pele, ka baka leo re tla nka metsotsa e leshome le metso e mehlano eo feela ho latela tšupanako ea ka. Mamelang. Ha ho letho...

¹⁹¹ Tšoanelo ea hao ea pele, ha u kula, ehlile, ea bona ngaka ea hao. O etsa sohle seo a ka se khonang. Haeba a sa khone ho etsa letho hape, u na le tokelo ho ea bona Sepeshelisi ke hona. Joale, ha re khahlano le lingaka.

¹⁹² Ke na le metsoalle e mengata e khabane ea ngaka, banna ba khabane ba lumelang ho Molimo. 'Me kea ba rapella, le bona ba nthapella. Ke hantle. Ba nka mokuli eo ba sa khoneng ho mo etsetsa letho. Lingaka tse ngata tse khabane, ehlile, ha ke bitse lebitso la bona. Mohlomong ha ba tlatsoa ka Moea o Halalelang le lintho, empa ke banna ba lokileng. Ba re, "Moena Branham, ha ke khone ho etsa letho ka bothata boo; ekare u ka sebetsana le eona."

¹⁹³ Ke re, "E romele koano. E re ke... Ha ke khone ho e sebetsa. Ke tla e laeletsa ho Jesu, ho e neeletsa Jesu Kreste, e re A e sebetse." Ua bona? Ka baka leo ke botle.

¹⁹⁴ Empa, shebang. Ha pholiso e fela e etsahala, Kreste ke Eèna ea tla beng a e etsa. Ngaka e ka suthisa tšita, ea ntša leino, kapa—kapa ea khaola tulo e itseng, ea ntša lelana, ho nka, ea khaola kankere, ea khaola lethopa, kapa ea opereita; kapa ntho e joalo, ho kenya chefo ka ho uena, ho bolaea likokoanahloko. Empa ha ho letho le ka folisang ntle le Molimo, hoba e tlameha ho ba popo, ho boela e melisoa. 'Me ha ho moriana o ka bopang. Ua bona? 'Mopi o mong feela, ke Molimo. Hape, Pesalema 103, ua bona. Mangolo ohle a nèpile. "Ke 'Na Morena Ea folisang maloetse a lona kaofela." Ha se hore ngaka ha e na kabelo. E, e na le eona. Ha nka robeha sephaka, tšoanelo ea ka ke ho ea bona ngaka e tsebang ho tlamella sephaka seo, empa e ke ke ea folisa sephaka seo. A ka se tlamella, a khutlisetsa masapo malulong. 'Me Molimo ke oona o hlasisang khalsiamo le lithepa tseo tse joalo, le ho bopa materiale ao, hoo kahara sephaka sa ka, ho boela e melisoa hape. Molimo ke mofolisi. Ua bona?

¹⁹⁵ Joale, esale re rera veke ena. Moetlo oa batho ba Bajuda, mehleng ea Bajuda, e ne e le ho tsamaea, ho beha ba kulang matsoho. Ke seo ba se entseng. Ntho eohle e ne e le ho beha matsoho. E ne e le tsamaiso ea Bojuda. Empa Balichaba ha ba eso sebetsoe joalo, lekhale. Mohla morali oa Jariuse, moprista oa Mojuda, mohla a ne a shoa, o itse ho Jesu, "Tloo, beha matsoho a Hao holim'a hae me o tla phela. Mo behe matsoho."

¹⁹⁶ Empa eareha A etela molaoli oa lekholo oa Moroma, o itse, "Ha ke na tokelo ea Hao ho kena tlasa marulelo a ntlu ea ka. Ema kantle mono moo U leng teng, le ho bolela Lentsoe feela." O ne a lemohile boholo boo Jesu a neng a bo ruile. O itse, "Ke monna ea bolaoling, ke na le e..." E ne e le molaoli oa lekholo. Ke ho re—ke ho re o ne a laola banna ba lekholo. O itse, "Ha ke laela monna enoa, 'Etsa sena,' o etsa joalo. Le monna eane, 'Etsa sane,' o etsa joalo." A re, "'Me Uena o laola

maoetse a mang le a mang, le mahloko a mang le a mang, le ntho eohle. Tsohle li tlasa bolaoli ba Hao. Ke uena Molaoli e moholo eo.” Oh, ke rata hoo.

¹⁹⁷ Taba eo ebile ea sisimosa pelō ea Jesu. ‘Me eaba O retolohela ke hona, ho batho ba Bajuda, ’me A re, “Le Israeleng ha Ke eso fumane tumelo e joalo.”

¹⁹⁸ Mosali oa Moserofenisia, Molichaba oa Mogerike, o ne a tle ho Eèna a re, “Morena, ngoana oa ka o robetse mono, o rusulloa hampe ke liabolosi.” Ekaba o ne a tšoeroe ke sethoathoa kapa bohlanya ba mofuta. Ho re, “O mobe haholo. Na U ka mo folisa?”

¹⁹⁹ ‘Me eaba U leka tumelo ea hae. “Hobaneng,” A re, “ha se tšoanelo ho nka bohobe ba bana ho bo fepa lintja.” A mo bitsa ntja. ‘Me mehleng eo, ntja e ne e le e ‘ngoe ea . . . e batla e tšoana le kolobe, ntho e tlase ho fetisa e neng e le teng. Ho re, “Ha Kea tšoanelo ho nka bohobe ba bana, ho bo fepa lona lintja.”

²⁰⁰ A re, “Ke ’nete, Morena.” Oh, ke rata seo. “Ke ’nete.” Ho re, “Empa, U a tseba, lintja, tlasa tafole, li ja makumane a bana.” Taba eo e ile ea Mo ama.

A bua, joaloka uena tsatsi le leng, Hattie, ntho e lokileng.

²⁰¹ A sokoloha A re, “Ka baka la polelo ena, liabolosi o tlohetse morali oa hao.” A sa tlameha ho ea beoa matsoho.

Ka Letsatsi la Pentekosta, mohla Moea o Halalelang o ne o tšoloha . . .

²⁰² Filipi o ne a theohele Samaria. E ne e le halofo-Bajuda, ka hona, eitseha a theoha, ke ha tlamehile ho ba bea matsoho, ho amohela Moea o Halalelang. Moea o Halalelang o ne o eso theohele holima ofe oa bona, le joale, eaba ba romela ho lata Petrose. Ba ne ba kolobelitsoe ka Lebitso la Jesu, eaba ba nyoloha ho ea lata Petrose le Johanne, koana Jerusalema, lintlokholo. Eaba ba theoha ba ba bea matsoho, ’me ba amohela Moea o Halalelang. Petrose eaba o nyolohela tlung ea Kornele. . . Ua bona, o ne a tlamehile ho ba bea matsoho. Shebang, Liketso 19, mohla sehlopha seo sa Bajuda mane Efese, keha a tlamehile ho ba bea matsoho, ba tle ba amohele Moea o Halalelang.

²⁰³ Empa, mohla a ne a le tlung ea Kornele, “Eitse a sa bolela Mantsoe ana, Moea o Halalelang oa tšolohela holima bona.” E se ka peo ea matsoho. Moea o Halalelang oa tšoloha ha ba utloa ’Nete. Ba ne ba lapile ’me ba O emetse.

²⁰⁴ Ana u lapetse pholiso hakaalo, hoseng hona? Ako lumelle Moea o Halalelang ho bua, haeba Jesu e le eèna maobane, kajeno, le ka ho sa feleng. Le lumela seo? [Phutheho e re, “Amen.”—Mong.] Na O itse, “Mesebetsi eo Ke e etsang le tla e etsa le lona”? [“Amen.”] Ebe O kile a Itsebisa batho joang, e le Messia oa bona, Messia oa Bajuda? Ebe O e sebelitse joang

ho Bajuda? Ka ho ba bolella lekunutu la pelō ea bona. Ba ile ba Mo elelloa, e le Messia. Ba bakae ba e tsebang e le 'nete? [“Amen.”] Ehlide.

²⁰⁵ Eitseha Petrose a fihla, 'me A re, “Lebitso la hao u Petrose.” Le ho re...Kapa, “Lebitso la hao u Kefase.” Ha thoe, “U tla bitsoa Petrose. Lebitso la ntata'o e ne e le Jonase.” Eaba ke phetho. A tseba hoba eo e ne e le Messia.

²⁰⁶ Mohla Filipi a ne a tloha a ea lata Nathanaele, O itse, “Uena u... U monna ea lokileng, ea tšepehang.”

A re, “Joale, Rabbi, U ntsebella kae?”

²⁰⁷ Ha thoe, “Le pele Filipi a u bitsa, u sa le tlasa sefate, Ke u bone.” Limaele tse leshome le metso e mehlano ka mora thaba, leeto la letsatsi, “Ke u bone.”

A re, “U Mora Molimo, Morena oa Israele.”

²⁰⁸ O ile a theohela ho Basamaria. A hloka ho pota le teng. Hobaneng? O ile a theohela ho Basamaria. 'Me teng ha hlaha mosali oa Mosamaria, 'me eaba O hopola hore A ka mo nea pontšo ea Messia. 'Me A re, “Ea lata monna oa hao le tle koano.”

A re, “Ha ke na monna.”

A re, “U boletse teng, hobane u na le ba bahlano.”

²⁰⁹ A re, “Monghali,” ka mantsoe a mang ka mokhoa ona, “esale re shebeletse Messia ho fihla, 'me E tlabē e le Molimo-Moporofeta. 'Me rea tseba, mohla A fihlang, O tla re bolella lintho tsena. Ka baka leo, U tlamehile u be u le moporofeta ea itseng.”

A re, “Ke Messia. Ke 'Na eo u ntseng u bua ka eèna.”

²¹⁰ A siea nkho eo ea metsi, e le seotsoa 'me a le hlokong, maemo a hae a le makakang, eaba o matha a kena motseng, a bolella banna, “Tloong, le bone Monna Ea mpoleletseng se ka pelōng ea ka. Na ha se Messia eo? Na ha se Messia eo?”

²¹¹ Le ka mohla ha eso etsetsoe Balichaba. Che, monghali. Lena ke letsatsi la bona, mehleng ea Maseli a mantsiboea.

²¹² Hona joale Bajuda ke sechaba, ho laola lefatše. Ba kile ba etsa joalo ka mohla o mong. Ba ntse ba khutla. Le shebe sefate seo sa feiga mohla se hlasisang menoko ea sona, koana. Le shebe Mojuda, hohle moo a leng teng, alamanaka ea Molimo, le tla fumana. A ke ke a tela Israele. Empa Israele e ne e tlamehe ho foufatsoa. Ha ke buelle Mojuda enoa oa mosali ea lutseng mona. Empa Israele e ne e tlamehe ho foufatsoa, re tle re fuoe sebaka. Le ba rate. Le se ke la tšoenyeha, ba tla boela ba thunya. “Se siiloeng ke marutle, seongoane se se jele. Se siiloeng ke seongoane, tsie e se je. Empa Ke tla khutlisetsa, ho bolela Morena.” Seo se jeloe feela, nakoana, re tle re khone ho kenngoa. Mahlo a rōna a bulehile.

²¹³ Joale ke eng? Letsatsi la rōna lea fela. Bajuda ba qala ba phutheha hape, 'moho, kamoo Molimo o boletseng. 'Me Maseli a mantsiboea a chabile. Holima eng? Maseli a ho kae mehleng ea chabo ea mantsiboea? Ka nqa Bophirima. A kile a chaba Bochabela, ho Bajuda, batho ba bochabatsatsi, tšimolohong. Haesale e le letsatsi le fifetseng la mekhatloana ea bolumeli le lintho tse joalo, empa Leseli la mantsiboea le tla chabela Balichaba, hemisefere ea bophirimela. Ke rōna bana joale, qetellong. Re—re Lebopong la Bophirima. Ha u ka tsoelapele ho feta moo, u tla khutlela Bochabela hape. Tsoelopele e tsamaile joalo. Ka baka leo, Maseli a mantsiboea a chabile, "Jesu Kreste esale eèna maobane, kajeno, le ka ho sa feleng."

A re rapeleng.

²¹⁴ Joale, Morena, bana ke ba Hao. "Lentsoe tumelo le tla ka kutlo, kutlo ho utloa Lentsoe la Molimo." 'Me, Molimo, U ke u nèpahatse Mantsoe a Hao, ho kholisa batho hore U Molimo. Joale ho ke ho tsejoe, hoseng hona, hore U Molimo, 'me 'na ke mohlanka oa Hao, ea ba bolellang 'nete ea Bophelo Bosafeleng. Ka Jesu Kreste Morena oa rōna, rea rapela. Amen.

²¹⁵ Kea lumela, Billy o mpoleletse ka ntle ka mane, hore ho na le e—e sehlopha se seholo sa litlankana tsa thapelo, batho ba bangata mona. Re ke ke ra khona ho ba nyolla bohole, le tseba seo, ke hore e tle e—ke hore e tle e pake hoo, kapa hore le tle le bone. Joale, Molimo ha o a tlameha ho etsa sena. Na mang le mang o tseba seo?

²¹⁶ Jesu o ne a sa tlameha ho folisa motho mohla A ne a le holima lefatše. Na le tsebile taba eo? Empa O e entse, hore ho etsahale se boletsoeng ke moporofeta. Na ho joalo?

²¹⁷ O etsa sena, hore Lentsoe le tle le etsahale, "Joaloka matsatsing a Sodoma, ho tla ba joalo ho Khutleng ha Mora motho."

²¹⁸ Lea lemoha, ba ne ba ena le Billy Graham le Oral Roberts, bao, ba matsatsing a Sodoma. Banna ba kang bona ba ne ba theohe ho ea rerela Basodoma ba ka hara motse.

²¹⁹ Empa mokhethoa Abrahama le sehlopha sa hae e ne e le sehlopha se bilelitsoeng, ka thoko. Ke Lengeloi la mofuta mong le setseng le ba rerela? Shebang. Monna o ne a lutse mono, A ipitsa Moeti ea tsoang naheng e hole. Liaparo tsa Hae li tletse lerôle. A sa tsoa ja leqa la namane, ho noa lebese le tsoang ho 'mè, a ja linkhoa tse 'maloa tsa koro, le Abrahama. Eare, mohlomong a sa tšoere sehlahlala seo sa ntsintsi, a ntse a tšosa lintsintsi, eare A sa etsa hoo, a lutse mono, a e ja. 'Me hoba A tsamaee...Abrahama o Mo bitsitse, "Elohim, Eamatlahohle." Empa E ne e le Monna; Molimo ka hara batho ba Hae. Joale le shebe seo A se entseng, kamoo

A tsebang kateng. O ne a lutse mono a qoqa le Abrahama. A re... Joale, e le khetlo la pele A kopana le Abrahama, e le khetlo la pele Abrahama a Mo bona, ka tsebo.

²²⁰ 'Me banna ba bang bana ba babeli ba ne ba tla theoha ba kena Sodoma. Eaba ba theohela mono ho rera, 'me ba foufatsa batho. Na therou ea Evangelii ha e etse joalo, e foufatsa mosalumele? Lemohang.

²²¹ Empa Enoa a ema morao mono le Kereke ea mokhethoa, Abrahama le sehlopha sa hae, ba bololitsoeng, ba makhonthe. A re...

²²² Lota e—e le eëna ea phelang ka hara motse, a inyakalatssa. 'Me le shebe boitšoaro ba barali ba hae, le bara ba hae, le ntho eohle. Joaloka lefatše kajeno, Sodoma, sebe le ntho eohle. Ke eona kereke, ea maipolelo eo.

²²³ Empa Kereke, ea semoea, ke sehlopha se bitsitsoeng, se arotsoeng. Ke Lengeloi la mofuta mong le tlileng ho bona? Ha re e shebeng. Joale, le hopole, Morena oa lona o itse, "Joaloka mohlang oo, ho tla ba joalo ho Khutleng ka Mora motho." Jesu o boletse joalo. "Maholimo le lefatše li tla feta, empaa Mantsoe a Ka a ke ke a hloleha." Joale le mamele ka hloko, 'me le khutse.

²²⁴ Joale, Lengeloi lena le ne le buile le Abrahama. Le itse, "Abrahama, mohatsa'o Sara, o kae?" A tseba kang hoba o nyetse? A tseba joang hoba o na le mosali? 'Me A tseba joang hoba lebitso la hae ke Sara? Ho a makatsa, ana ha se eona?

'Me Abrahama a re, "O ka tenteng, ka mora Hao." Uh-huh.

²²⁵ A re, "Abrahama, ha e le moo—moo u lumela Molimo, 'me u tla ba mojalefa oa lefatše, Balichaba bohle le bohle ba tla kenngoa 'Musong ka Peō ea hao. Ka ea hao... Pallo e etselitsoe uena. Nke ke ka boloka prom...ka u patela letho, Abrahama." Oh, ke rata hoo. "Nke ke ka u patela sena, Abrahama. Empa u lumetse ho 'Na, bakeng sa lesea leo, ka lilemo tse mashome a mabeli a metso e mehlano. Joale lilemo tsa hao li lekholo, 'me eëna o mashome a robong. Empa, Abrahama, ho latela nako ea bophelo..." Ka hara letšoole le kopaneng, le tseba seo ke se bolelang, matsatsing a mashome a mabeli a metso e robeli. O ne a khaolitse, lilemo tse mashome a mahlano, kapa ho feta, yaa, lilemo tse mashome a tšeleta pele ho moo. Ho re, "Ho latela nako ea bophelo ka Sara, Ke tla boela ke u etela, 'me u tla hlahisa lesea leo."

²²⁶ 'Me Sara, ka mora Hae, ka hara tente, likoahelo li ne li koetsoe, a itšehele. Feela...[Moena Branham o tšoantša setšehe se khutsitseng—Mong.] 'Me a re ka ho eëna, "Na nka thaba le morena oa ka?" Uena monna oa hao u 'mitsa'ng? "A ke tla boela ke thabe le morena oa ka, haele moo ke tsotetse, 'me le eëna o tsotetse, hape?"

²²⁷ 'Me Lengeloi, le furaletseng tente ka mokokotlo oa Lona, ha thoe, "Ebe Sara o tše hile ke'ng? O tše hisitsoe ke'ng?" Ha le bone na? Ke Moea oa mofuta ofe, ke Lengeloi la mofuta ofe, leo, le etelang Kereke eo ea mokhethoa mono?

²²⁸ Joale, Jesu o itse ntho eo e tla boela e iphetha pele ho Khutla ha Hae. Eo e tla ba pontšo ea ho Khutla ha Hae.

²²⁹ Ha re bitseng mola oa thapelo. O entse tše piso. O a e boloka. Joale, mono, kae-kae mono, ke tlameha ho bitsa batho ba bahlano kapa ba tše letseng, bongata bo ka emang mona. Lona bang bohole le lumele feela. Shebang. Ha u sa tšoara setlanka sa thapelo ho nyolohela holimo mona, ha e bolelele ntho le e 'ngoe. Kea u phephetsa. Taba ke ena . . .

²³⁰ Peō ea Abrahama e ne e etse sena, Jesu, mohla A ne a le holim'a lefatše.

²³¹ Ka tsatsi le leng, O ne a pholletsa letšoeleng la batho. 'Me bohole ba ntse ba re, "Hela, Rabbi. Malume hoseng, Ngaka. U phelang joang, Mohlomphehi? Ke thabo ho kopana le Uena, Mohlomphehi. Ke thabo ho ba le Uena mona. Na u til'o tšoara tšebeletso u sa le koano?"

²³² 'Me mosali oa batho o ne a hloka, ka baka leo a pholletsa hara letšoole 'me a ama seaparo sa Hae. Kaha a itse ka ho eèena, "Hola feela nka ama Monna ea halalelang eo." Ua bona? Tumelo ea hae. Ua bona? "Hola nka Mo ama, ke tla fola." Ka baka leo a Mo ama, eaba o khutla a lula hara letšoole. A re, "Oh, kea kholoa ke folile, hobane ke lumela hoo. Kea e lumela. Kea tseba ke folile. Ke-ke lumela hobane phallo ea mali e khaolitse joale. Ke mpa ke e lumela feela."

²³³ Jesu a ema, ho re, "Helang, ke mang ea Nkamileng?" Potso e kakang!

²³⁴ Petrose a re, ka mantsoe mang, "Morena, molato ke'ng ka Uena?" Bibele e itse a Mo khalemela. Ho re, "U bolela'ng ka hoo? Khele, mang le mang o a U ama! U ka tla rialo joang . . . Uena, u leng Messia, na ha U tšabe hore U tla Ipepesa mona pontšeng ea batho bana, 'Ke mang ea Nkamileng?' 'Me ke tiile U anngoe ke ba makholo a mahlano motsotsong o fetileng. Hore'ng U ka rialo, ntho e kang eo?"

²³⁵ A re, "Empa kamo ena e ne e fapane. Kea lemoha hobane Ke ile ka fokola." Molemo, mang le mang oa tseba molemo ke matla. "Ke ile ka fokola. Matla a tsoile ho 'Na."

²³⁶ Eaba O a qamaka, ho qamaka joalo. Ua bona, tumelo e teng ka ntle mane, nqa e 'ngoe. A qamaka, 'me A fumana mosajana enoa. Moea o Halalelang o nong o ahile ka ho Eèena, ka botlalo, oa Mo supisa mosali e monyenyan. Phallo eo ea mali e neng e mo tšoere, O itse, "Tumelo ea hao! Joale, ha se 'Na ea u folisitseng. Ha Kea amana le eona ka letho, empa tumelo ea hao," (ho Mang?) "ho Molimo, eo Ke Mo emetseng, tumelo ea hao e u phelisitse."

²³⁷ Joale, Bibele e Mo tlalehile e ne e le eèna maobane, kajeno, le ka ho sa feleng. Hoo, oona molao oo, oona matla ao, bona boitšoaro boo. Oona Molimo o phetseng ka hara Kreste, o phela ka hara Kereke, e seng ka bokaalo ba Oona. O ne a ena le oona kantle ho tekano, rôna re na le Oona ka tekano. Empa holane u khile metsi ka khaba, a tsoa leoatleng, tsona likhemikhale tse ka hara leoatle lohle, li ka hara khaba. Le hopole hoo. Ke hantle. Esale oona Molimo oo.

²³⁸ Joale, Bibele e itse, ho Baheberu, o buile a re, “Jesu Kreste hona joale ke Moprista e Moholo ea ka angoang ke maikutlo a mahlomola a rôna.” Ba tsebang hoo ba bakae? [Phutheho e re, “Amen.”—Mong.] Be, haeba E sa le Moprista e Moholo eo, na A ke ke a itšoara ka ho tšoana haeba A ka angoa? [“Amen.”]

²³⁹ Rôna re eng? Molomo oa Hae. Re inehela ho Eèna, ‘me mantsoe a rôna ha se mantsoe a rôna. “Le se ke la nahana seo le tlang ho se bua, hobane ha se lona ba buang. Ke Ntate ea ahileng ka ho lona. O a bua.”

²⁴⁰ Kae-kae, e ne e le kae, Billy, ‘ngoe ho fihla ho mashome a mahlano, kapa ‘ngoe ho fihla ho lekholo? [Moena Billy Paul Branham o re, “Lekholo.”—Mong.] ‘Ngoe ho fihla ho lekholo.

²⁴¹ Ka tloaelo, batho ba seohela setlankana seo sa pele, ka baka leo re tlil’o se tlohela motsotsso. Ha re qaleng ka palo e makatsang, ha re re, mashome a mararo. Ke mang ea tšoereng setlankana sa thapelo sa mashome a mararo? Phahamisa letsoho la hao.

²⁴² Ebe—ebe letere ke efe? [Moena Billy Paul o re, “B.”—Mong.] B, B mashome a mararo. Ho lokile.

²⁴³ Sheba ka lipokothong tsa hao, ntša setlankana sa hao sa thapelo. ‘Me haeba mono... [Moena o re, “Hantle mane.”—Mong.] Be, mamelang, haeba mashome a mararo a le sieo, khele, re tla qala nqa e ‘ngoe. Re tla—re tla qala ho... [Moena Billy Paul o re, “Hantle mane, ka morao.”] Ho thoeng? [Moena Neville o re, “Ke eane.”] Moena Billy Paul o re, “Morao, ka letsohong le letšeħali.”] Oh, ke masoabi. Ke masoabi. Ho lokile. Tloo koano, mongħali.

²⁴⁴ Mashotharo-’ngoe. Ke mang tšoereng setlankana sa thapelo sa mashotharo-’ngoe, na u ka phahamisa letsoho la hao? Mashotharo-’ngoe. Tloo koana hantle, mongħali. Mashotharo-peli. Ke mang ea tšoereng setlankana sa thapelo sa mashotharo-peli? Uena, mofumahali e mocha? Mashotharo-tharo. Ke mang ea tšoereng setlankana sa thapelo sa mashotharo-tharo? Na u ka phahamisa letsoho la hao? Mofumahali enoa, mona. Ho lokile, khaitseli. Mashotharo-tharo. Mashotharo-’ne. Ho setlankana sa thapelo sa mashotharo-’ne? Uena, mongħali? Mashotharo-hlano. Mashotharo-tšeħela. Mashotharo-tšeħela. Ke mang ea tšoereng setlankana sa thapelo sa mashotharo-tšeħela? Na ke se tlotse?

U tšoere mashotaro-tšeleta, mofumahali e mocha? Mashotharo-supā. Mofumahatsana enoa mona o ne a ferekane. Shebang...Palo ea setlankana sa hao sa thapelo ke efe? Mo shebeng moo a leng teng. [Khaitseli o re, "mashotharo-hlano."—Mong.] Mashotharo-hlano. Ke masoabi, mofumahali. Ho lokile, fumana sebaka sa hao. Bashanyana mane ba tla u kenya moo u loketseng.

Mashotharo-supā, mashotharo-robeli, mashotharo-robong, mashome a mane. Ha re ba boneng ha ba ema. Ba bararo ke bao joale. Mashotharo-robeli, mashotharo-robong, mashome a mane. Mashotharo-robong, mashome a mane. 'Ngoe, peli, tharo, 'ne, hlano, tšeleta, supā, robeli, robong, kea kholoa ke eona. Mashome a mane, mashonne-'ngoe, mashonne-peli, mashonne-tharo, mashonne-'ne, mashonne-hlano. Litlankana tseo tsa thapelo li ke li tle: setlankana sa thapelo, ho fihla ho mashonne-hlano, ho qala ho mashome a mararo ho fihla ho mashonne-hlano.

Joale, ha u sa khone ho ema...U na le setlankana sa thapelo, monghali? U na le sona, ho lokile, fetela ka mane. Ke bona monna a le mong feela ea qhoalileng. O lutse mona setulong sa bakuli. Joale, ho bo mang ba sa tšoarang litlankana tsa thapelo, joale, ha re tsebe...Kea kholoa ba a hatellana mono, ka hona ke...Ke botle. Ho lokile. Ke tla—ke tla—ke tla khaotsa, motsotsong feela. Ho lokile. Ha re na sebaka mona, ua bona, ho e sebetsa ka tšoanelo.

²⁴⁵ Joale, ba sa nkang setlankana sa thapelo ba bakae ka mona, leha ho le joalo, u a kula, 'me u batla Molimo a u folise? Phahamisa letsoho la hao. Be, e batla e le hohle, kea tšepa, hohle mohlomong.

Ho lokile, joale, ke tlil'o le kopa, ha le rata, metsotsong e 'maloa ena e latelang...Etsoe, nako ea ka e se e tlotse joale.

Empa, ke ana makhaolakhang hore na ebe Lentsoe lena le lokile kapa che! Hona ho a kholisa!

Joale, mpheng maikutlo a lona a sa arohanang.

Mang le mang mona o a tseba, ho re, ha nka khona, nka folisa e mong le e mong oa lona. Empa Bibele e boletse, e itse, "Ke 'Na Morena Molimo Ea folisang maloetse a lona kaofela." E tšetlehiloe holim'a Tumelo. Lintho tsena tsohle tseo ke li rerileng vekeng ena, ho fihla nakong ena, le bophelong ba ka ho theoha, esale li tšetlehiloe holim'a mesebetsi e phethiloeng ea Kreste mane Kalvari. Haeba u e lumela, ke phetho seo Molimo o se kopang: "Ha u e lumela, u tla fumana seo u se kopang."

Joale, ho latela mehlolo le meeka e hlahang, O tšepisitse hoo. Pele, O behile ka kerekeng (Eng?) baapostola, baporofeta, baruti, baboleli, balisa. Molimo o hlomme tsamaiso eo ka kerekeng, ho phethisisa bahalaleli.

Joale, ke batla hore e mong le e mong a mphe maikutlo a hae a sa arohanang.

Joale, motho eo ke mo tsebang a ka ba mong feela moleng oa thapelo. 'Me ke monna ea apreng sutu e t̄soeu. Ha ke khone ho bitsa lebitso la hae. Empa kea—kea kholoa o tsoa tulong e itseng, nka re, ho ella holimo Carolina, kapa ntho e itseng. Ke... Ke morekisi oa makoloi kapa ntho e itseng. Nkile ka buisana le eēna. Le lebitso la hae ha ke le tsebe. Empa ke... 'Me bonnête, ha ke—ke tsebe bothata ba hae. Ke... Molimo o tseba hoo. Nke ke ka le bolella bothata ba hae. Empa kea kholoa ba bang bohle ke melata ho 'na. Ha ke ba tsebe.

²⁴⁶ Ba ntsebang ke sa tsebe letho ka lona ba bakae kantle mona? Phahamisang matsoho a lona. E, monghali. Joale, Bibele e itse, "Moea o Halalelang mohla a t̄lileng, O tla..." Ntho ea pele eo Moea o Halalelang a tla e etsa! Eng? "O tla le senolela lintho tsena, tseo Ke li rutileng." Na ho joalo? Ebe O etsa'ng? "O tla le bontša lintho tse tlāng ho tla, ebe Mosenoli oa lekunutu la pelō." O tla etsa oona mosebetsi oo Jesu a o entseng.

²⁴⁷ Joale, ba lumelang hoba Jesu o phethile morero oa topollo le oa pholiso, mane Kalvari ba bakae? [Phutheho e re, "Amen."—Mong.] Ruri. Ka baka leo, ho latela hoo, ho phethehile, ha ho joalo? ["Amen."] Ho phethehile.

²⁴⁸ Empa ntho feela eo A ka e etsang ke ho u phaphamisa, kapa ho u nea kutloisiso ea hore E sa le Molimo 'me o boloka t̄sepiso ea Hae. Ka hona, ho etsa joalo, O tlotsa bareri. Ke banna ba khabane bana ba emeng mathokong ana, le ba bangata morao mane. O ba tlotsa ho rera. 'Na ke moemeli ea fokolang oa moreri. O mphile *sena*, bakeng sa therò ea ka, u a bona, sebakeng sa hoo. Hoba, ha kea ruteha 'me ha ke tsebe letho, le tseba seo ke se bolelang, ho ba moithuti kapa eng, kapa morutoana. Empa O file banna bana menyetla ea ho etsa joalo, 'me ba nyolohela mono tlasa t̄susumetso 'me ba rera. Oh, ba ka bua tse ngata metsotsong e mehlano ho feta seo nka se buang ka hora, hobane, tlasa t̄susumetso, ekare kanono kapa machinikane a thunyanang ka potlako ho E otrella hantle, ekare mokhoephetsane oa hamore. Ua bona?

²⁴⁹ 'Na, ua bona neo ea ka e fapane: ke tlameha ho nka nako ea ka 'me ke hlahlobe seo... ho ema ho bona seo Moea o Halalelang a tla mpolella sona khetlo le latelang. 'Me lea bona, ha se lekala la ka hantle. Empa koana kea e etsa, ho haha phutheho, ho ba lumella ho tseba mohopolo oa ka ka Kreste.

Ka tlaoelo likopanong, ke fumana moreri ea khabane ea ntherelang. Empa joale, joale nako e fihlile; ena ke hora, ka mora therò ea Lentsoe: Ebe ho etsahalang ka eona? Ha e ka reroa feela, u ntano tloha u tsamaea, be, ha u e tsebe. Empa ha A ka fihla, ho paka seo A se buileng e le 'Nete, joale he, moena, e mahetleng a hao, ke hona. Ke hantle, ke uena.

Joale, ha Moea o Halalelang a ka kena hara letšoelé hoseng hona, oa sebetsa hantle se ka A sebelitse mohla A ne a le ka ho Jesu Kreste, ke ba bakae ka mona ba tla lumela hobane Molimo o kile oa ba holim'a rōna; e ntano ba le rōna, ka ho Kreste; joale ka ho rōna, ka hara Kereke? Ehlide.

Joale, ha le ka khona ho bona joale (Ha ua tlameha ho behoa matsoho, ha u le molumeli oa sebele: "Eitse Petrose a sa bolela mantsoe ana, Moea o Halalelang oa tšolohela holima bona." Ua bona? "Ha ke hloke hoo, ho tla beha mohlanka oa ka matsoho: bolela Lentsoe feela, 'me ke phetho seo U tlamehang ho se etsa."), ho bona haeba u le peō ea Abrahama joale. Lesang Molimo ho etsa tse ling tsohle.

Ntate oa Lehlimo, joaloka monna, joaloka mohlanka, lentsoe la ka le fella moo. Ho ke ho bue Uena ho tloha mona, ka morao, Morena. A ho be joalo, ba tle ba U tsebe u le Molimo o lipakeng tsa batho. Ka Lebitso la Jesu, Amen.

²⁵⁰ Joale, joaloka monna, monna ke enoa joaloka, be, nka re, hoo, mohla Nathanaele a fihlang ka pel'a Jesu. Ho latela tsebo ea ka, ha re eso kopane; re melata. Empa Molimo o tseba monna eo, 'na ha ke mo tsebe. Ha ke hopola ha ke eso 'mone, haese ha e ka ba seterateng nqa e 'ngoe, 'me ka kopana le eèna kantle mona, ka tsukutla letsoho la hae, kapa ka re, "U phela joang, monghali?" kapa ho hong, e le hoseng, ke phetho seo ke se tsebang. Empa Molimo o tseba monna. Joale, haeba Jesu Kreste e le eèna maobane, kajeno, le kamehla, e tla ba O na le...haeba monna enoa a kula, ke hona, ho latela pholiso, O se a entse hoo. Jesu o se a e phethile. Empa e le mokhoa o itseng ho eèna ho mo khontša, ho lumela, ho tseba hobane Jesu o teng mona.

²⁵¹ Joale ebe Jesu o itseng? "Pontšo, e kang ea Sodoma, ho tla ba joalo matsatsing a ho qetela." "Mesebetsi eo Ke e etsang," ho Mo supa e ne e le Eèna ea neng a ena le Abrahama. "Le pele ho Abrahama, KE TENG." E ne e le lona Lengeloi leo. 'Me mona O...Ke Enoa, mona hoseng hona, lona Lengeloi, le lulang ka ho rōna.

²⁵² Joale, monna e ka ba—e le moipehi. E ka ba moikaketsi. E ka ba mosalumele. E ka ba e—e mohalaleli. Eèna, ha ke tsebe letho ka eèna. O mpa a eme mono. Empa ha Moea o Halalelang a ka fihla 'me a senola, ho eèna, e ke e be moahloli ho tloha moo ho tsoella. O a tseba. Ha Moea o Halalelang a ka 'molella taba e kileng ea hlaha bophelong ba hae, ruri eèna, haeba e le 'nete, a ka lumela se tla hlaha bophelong ba hae. Na ho joalo? Haeba A ka bolela se kileng sa hlaha, ho ka thoeng ka se tläng ho tla? Joale, u tla tseba haeba e le 'nete kapa che, haeba e kile ea hlaha.

²⁵³ Ngaka, u lumele sena. Uena le 'mè, bobeli ba lona, le e lumele. Le ngaka e 'ngoe e lutseng morao mane, hape, e tsoang Springfield, Missouri. Ua bona? Moea o Halalelang o teng ka mona joale.

²⁵⁴ Monna ea hlooho-putsoa mane, ea lulang kantle Alben Motel kantle mona. U jeoa ke ntho lephakong la hao. [Moena o re, "Ke hantle."—Mong.] Ha u tsoe mona, le ho qala. U tsoa Canada. ["E. Ke hantle."] British Columbia. ["Ke hantle."] Vancouver. ["Ke hantle."] U tsoa Finland. ["Ke hantle."] Kiitos.

[Ka Finnish, *kiitos* e bolela, "Kea u leboha."—Mong.]

²⁵⁵ [Moena o re, "Kiitos, 'me Molimo a u hlohonolofatse."—Mong.] Molimo a u hlohonolofatse. E-ea hae; u phetse. Jesu Kreste o a u phekola. ["Amen."]

²⁵⁶ Le a lumela? Ha ke tsebe monna. Le joale ha ke tsebe seo ke 'moleletseng sona. E ne e le Moea o Halalelang o neng o bua.

²⁵⁷ Molata e mong. Ha ke tsebe monna, ha ke eso 'mone bophelong ba ka. Kea kholoa re melata. Ho joalo, monghali? [Moena o re, "Hantle. Ke hantle."—Mong.]

²⁵⁸ Ha ke eso bone monna eo, ha ke tsebe letho ka eëna. Joale le be le tšabo e shoeletseng. 'Me haeba ke sa tsebe letho ka monna, 'me Morena a tla mpolella ho hong ka eëna, ruri hoo ho tla kholisa hore ho qosa ntho e fetang motho ka boholo ho etsa hoo. Na ho joalo? [Phutheho e re, "Amen."—Mong.] Joale hola le ka ba le tšabo feela, la sheba, la ela hloko. 'Me ha Moea o Halalelang o phalla holim'a lona ka mokhoa oo, E amohele. E lumele, ka pelō ea hao eohle.

²⁵⁹ Molata. [Moena o re, "E, monghali."—Mong.] Ntho ea pele, u batla pholoso. U lekhoba la tahi. ["Ke hantle."] Ke hantle haholo. ["Ke hantle."] Ha u tsoe motseng ona. U tsoa motseng o mong, motse oa Indiana. E. Kea kholoa ke New Castle, ntho e kang eo. ["New Castle. Ke hantle. E, monghali."] Ka nèpo. Uh-huh.

²⁶⁰ U 'moho, le e mong, ka mokhoa o itseng. Ke bona motho e mong... U 'moho le mosali. Ke kamano... Lyle Woods o kae? Ke mohats'a'e. [Moena o re, "Ke hantle."—Mong.] O teng mona hona joale. ["Ke hantle."] O batla ho rapelloa, le eëna. E, monghali. U a lumela Molimo a ka mpolella bothata ba hao? ["E, monghali."] Bothata ba pelō. Ha a ka lumela ka pelō eohle ea hae, a ka folisoa.

²⁶¹ Ke khalema liabolosi eo ea ka ho uena, ea u noesang taki. E-ea hae, ka Lebitso la Jesu Kreste, 'me u se hhole u noa. Kolobetsoa ka Lebitso la Hae le khabane, ho tlosa libe. 'Me ke khalema liabolosi. A suthe ho uena. Amen.

²⁶² [Moena o re, "Kea u leboha, moena."—Mong.] Tsamaea. Molimo a u hlohonolofatse, monghali. Libe tsa hao li tšoaretsoe joale. Tsamaea, 'me u se hhole u etsa sebe.

²⁶³ E ba le tumelo ho Molimo. Se belaele. Lumela ka sohle se ka hare ho uena.

²⁶⁴ Re melata, mofumahali e mocha. U lumela Kreste a re tseba bobeli ba röna? Mona eka papiso ea mosali selibeng, le Mopholosi oa röna. Ha u eëna, le 'na ha ke Eëna. Empa

Moea oa Hae o phela kamehla. Mosali, mosali e mocha enoa ea emeng mona, o na le...Haeba le ka Le bona, lipakeng tsa hae le 'na ke Leseli lena la Lengeloi le emeng mona. Empa ka nqane feela ke seriti, 'me seriti seo ke lefu, botšo. Ke kankere. Kankere e fumanoa, mohlamung. [Khaitseli o re, "Ke hantle."—Mong.] Ha u tsoe naheng ena, le uena. U Mokentucky. ["Ke hantle."] Ho tsoa LaGrange, Kentucky. ["Ke hantle."] Ke hantle. Mofn. Johnson, ke tla u bolella. Haeba u lumetse, ka pelō eohle ea hao, khutlela hae, 'me Jesu Kreste o a u phekola. U lumela seo? ["Ke etsa joalo."]

²⁶⁵ Ke khalema liabolosi ea nkang bophelo ba mosali enoa. Holima motheo oa tsoho ea Jesu Kreste, joale ke phepetsa Satane, ho 'molella hoba ke boleng bo hlotsoeng, hore Jesu Kreste o mo hlotse Kalvari. 'Me joaloka mohlanka oa Molimo, tlasa tlolo ea Moea o Halalelang, hoo, thomo eo ke e neiloeng ke Lengeloi, ke khalema liabolosi enoa, molemong oa bophelo ba mosali enoa. Mo lumelle ho phela, oho Morena. Amen.

²⁶⁶ Khutlela lapeng, nyakalla 'me u thabe, u ntse u leboha Morena. Se belaele joale. Se be le pelaelo kelellong ea hao.

²⁶⁷ U shebahala u tsepahala haholo 'me o hloka sekoli mabapi le hoo, mofumahali. Ha u lumela, bothata boo ba pululana bo u hlophang, athritisi, e lumele ka pelō eohle ea hao, e tla u lesa.

²⁶⁸ Joale, mofumahali e monyenyan e utloile Ntho e 'ngoe hantle mona, hobane moea o teng lipakeng tsa ba babeli bao, u a bona. Uena, ea hao e itoketse, le eona. Lumela feela, ka pelō eohle ea hao.

²⁶⁹ 'Me ebile, mofumahatsana e monyenyan ea bapileng le eena mono. E, ke uena ea lutseng mono, ea leletseng, a ntse a rapela. Uh-huh. Bothata boo ba mokokotlo, lumela ka pelo eohle ea hao. 'Me le uena, hape, u ne u jaoa ke bothata ba mokokotlo, hape. Nyoloha feela 'me u ee hae joale, u fole.

²⁷⁰ U a lumela, ka pelō ea hao eohle? Mona u emetse morali oa hao. [Khaitseli o re, "Ke hantle."—Mong.] Morali oa hao o siriloe ke lefu. ["Ke hantle."] Ke kankere. ["E."] Le maemo a hae a semoea ha a matle ha kaalo. ["Ke hantle."] E, monghali. O holimo-le-tlase, kahare-le-kantle, o a tenyetseha. ["Ke hantle."] U bona sakatuku eo u e tsoereng letsohong la hao? ["E, monghali."] U a lumela hore Moea o Halalelang ke oona o buang mona? ["Ke etsa joalo."] E re ke tsoare sakatuku seo.

²⁷¹ Morena, ka Lebitso la Jesu Kreste, ke khalema maemo a morali oa hae. Ho latela mantsoe a 'mè, se be le matla holima hae, ka Lebitso la Jesu. Amen.

²⁷² Tsamaea; se belaele. Eba le tumelo. A ka ea hae joale. Beha sakatuku seo holima hae. Lumela. [Khaitseli o re, "Ho bokoe Morena."—Mong.] Eba le tumelo ho Molimo.

[Moena Branham o khefutsa metsotsoana e leshome le metso e mehlano—Mong.]

²⁷³ Mosali o teng, haeba le ka 'mona. U koetse mahlo. U phahamisitse sakatuku sa hae, o a rapela, o phumula mahlo a hae. U amile ho Hong, khaitseli. Ha u a ama 'na, empa u amile Eena. Joale, u na le methapo ea varicose, bothata ba bommè, maima a mefuta eohle. Ke hantle. Ha se eona? Phahamisa letsoho la hao ha e nèpahetse. Ho lokile. Joale e-ea hae, u fole.

²⁷⁴ O amile eng? Ke batla ho le botsa. Mang, mosali eo o amile eng? Moprista e Moholo. Na lea elelloa? Jesu Kreste, Mora Molimo, o teng. "Ha le ka lumela!"

²⁷⁵ Moea o hara letšoelle. Le mpe le lumele. Topallo ea Mollo e leng holima setšoantšo sena mona, e tsamaea hara letšoelle. Ke mosali ea nchebileng hantle. E eme holima hae. Matsoho a phahame *tjena*, sakatuku se ka hara molomo oa hae. O na le bothata ka hlooho, e batla e le maemo a methapo ea hlooho. Ke hantle. U a lumela ke moporofeta oa Hae? U a lumela ea buang le uena ke Kreste? E-ea hae, u tla e hlola. Lumela ka pelō eohle ea hao.

²⁷⁶ Monna ea lutseng hantle ka mora hae, ntho ea horeng e amana le eëna ka Campbellsville, Kentucky. Uh-huh. U na le bothata ba mothapo, le uena; prostrate; khatello ea mali. U lumela ka pelō eohle ea hao, monghali? Ha u etsa, phahamisa letsoho la hao haeba lintho tseo li nèpile. U amile eng? U amile motho e Mong, Moprista e Moholo. E-ea, lumela, 'me u fole.

²⁷⁷ Mosali ke enoa, o batla a le litho, u lutse mona a batla a phahamisitse letsoho la hae. Kea khlooa ke tseba mosali eo. Ke 'mone nqa e 'ngoe. O a rapela. O jeoa ke hlooho. 'Me hang ha ke re "hlooho," ho mosali e mong eo, metsotso e 'maloa e fetileng, e ile ea mo tšoara. Le eëna o na le bothata ba hlooho, hape. Ke bone mosali eo nqa e 'ngoe. Ha ke khone ho mo beha kae, empa ke 'mone. Oh, e, kea khona. Kea tseba joale, esita le ka semoea. Ke Rose Austin, ho tsoa Louisville, Kentucky. Lumela joale. E-ea hae, o fole.

²⁷⁸ Kea u tseba. Ke tseba oa hao... .Ke tseba sefahleho sa hao. Nkile ka ba le uena, e—e ke u hloma lipotso, ka hara tereilara, moo u amohetseng Moea o Halalelang. Ke hantle. Ka u beha matsoho, le ho amohela. Ha ke tsebe lebitso la hao hona joale, empa kea u tseba. U na le khoebo ea makoloi. Ke phetho seo ke se tsebang. Ha ke na mohopolo oa se phoso ka uena. Uena, u elelloa hoo. Ke hantle. Ha ho monahano. [Moena o re, "Che."—Mong.] Ha Molimo o ka senola bothata, eëna Ea o neang Moea o Halalelang, a ka u folisa, ho u nea takatso ea pelō ea hao. U lumela seo? ["E, monghali."] Ha u a emela uena mona. [“Che, monghali.”] Ha se ka maemo a hao. Ke bakeng sa moratuoa. Ke khaitseli e Virginia. Bothata ba mofuta, bo kang mokokotlo.

²⁷⁹ Mohatsa'o o lutse mono. Le eèna o na le tlhoko. A ka lumela, bothata ba khale ba pelō le lintho li tla mo lesa. O tla . . .

²⁸⁰ Mosali enoa mona o amana le uena. [Moena o re, "E."—Mong.] Ke 'mè oa hao. ["E."] O tšoentsoe ke hore na ebe o na le Moea o Halalelang, kapa che. ["E."] Hape, o tšoenngoa ke pululana, le ho hong hape. Ngaka mona, e batla e le thaka le matla, o itse, "Ke popelo e oeleng." U ne u tlamehile ho etsoa oporeishene, nakoana e fetileng. Ke eèna ea o sitisitseng ho etsoa oporeishene. ['Mè o re, "E."] O ne a batlile ha u tla koano ho tla rapelloa. ["E. Ke hantle."]

²⁸¹ Ea emeng ka morao ke oa leloko. Mosali e mocha eo ke leloko, ka mokhoa o itseng, empa ka lenyalo feela. [Moena o re, "Uh-huh."—Mong.] Ke motsoala, ka lenyalo. O tšoenyehile ka pholoso ea hae, le eèna. Ke hantle. 'Me o na le daebetese, mosali e mocha. ["E."] 'Nete e tiileng. U a lumela? [Khaitseli o re, "Oh, e, monghali."—Mong.]

²⁸² [Phutheho e a nyakalla—Mong.] Ha re phahamisetseng matsoho a röna ho Molimo feela.

²⁸³ Oho Morena, 'Mopi oa maholimo le lefatše, Moqali oa Bophelo, Moabi oa neo tsohle tse molemo, romela Boteng ba Hao hara batho joale. Ba fe litakatso tsa lipelō tsa bona, Morena. Re U leboha ka sena. Ho U rapela ho hlohonolofatsa feela le ho fa batho bana seo ba se hlokang, ka Jesu Kreste Morena oa röna. Amen.

Ba lumelang ba bakae? [Phutheho e re, "Amen."—Mong.]

²⁸⁴ Ha ke hopole. Empa, ka mokhoa o itseng, E ile ea fetela ka mona, holima motho e mong. Na e ne e nèpile kaofela? Phahamisa matsoho a hao. Hore Eo E ne e bua le mang, na E ne e nèpile? [Batho bao ba re, "Amen! Lentsoe ka leng la eona! E ne e nèpile kaofela!"—Mong.] E nèpile eohle. Ha ho le joalo, ke 'nete hore Moea o Halalelang o teng mona. Na ke 'nete? ["Amen."] Joale le lumele ho 'na, joaloka mohlanka oa Hae. Ke tseba ntho . . . Ha lea tsitsa. Le khathetse. Ua bona? Le se belaele. Le lumele joale hore enoa ke Eèna. Moea oo o fokang ka sefefo o theohileng ka Letsatsi la Pentekosta, ka phaposing e ka holimo, ke eona ntho e ammeng batho bana ha ntho eo e ne e etsahala, hobane esale Moea o Halalelang o tšoanang. O ntse o likoloha, holima lona, e mong le e mong, hona joale. Ka ntle, hara matšoèle, ke Moea o Halalelang o tsamaeang hara lona. Ba bakae . . .

²⁸⁵ Ke batla le tsepahale ho 'na, kamoo ho ka etsoang ka Bibele ena e behiloeng ka pela ka. Ba utloang maikutlo a makatsang ba bakae, Ntho e sa tsoa fihla? [Phutheho e re, "Amen."—Mong.] Ke Moea o Halalelang oo. Ke Eèna. Joale le ntumele. Mantsoe a ka ke 'nete. Hobane, Molimo nèpahalitse 'Nete ea Hae ka Bibele, ho E nèpahatsa ka Matla a tsoho ea Hae, ho E nèpahatsa ka patlisiso ea mahlale a saene, ka baka leo ha ho letho le ka hlolang le E paka. Eèna ke Molimo. E

teng mona. Ka hona, nkutloeng. Ke le bolella 'Nete. E mong le e mong oa lona o ka pela Sefahleho sa Molimo hona joale, ho folisoa, seholpha sohle sa lona. Le lumela seo? ["Amen."]

²⁸⁶ Joale ke le bolella seo ke batlang hore le se etse. Ke batla lona feela, hohle moo le leng teng, e mong le e mong oa lona le beane matsoho, le tle le bone hobane ha se 'na. Le lona—lona le ka sebetsa hakaalo. U molumeli. Haeba u utloa Moea o Halalelang oo, O holima hao. Mohlomong ha se ka neo e tšoanang le ena, empa Moea o Halalelang oo o holima hao. Motho e mong, e ka bang mang, bea motho e mong matsoho, u ntano inamisa hlooho ea hao. Bea motho e mong matsoho, u ntano inamisa hlooho ea hao. Ke utloa ke tataisoa ho etsa sena. Ke utloa e le nako ea pholiso ea lona. "Ha u ka lumela!"

²⁸⁷ Oh, Moea o Halalelang o haola holima letšoel! Mothaka e monyenyanane mane, ea tsoang Georgia, u ntse u rapella moena oa hao ea lutseng morao koana; eba le tumelo, lumela. Oh, E hohle feela, hohle feela.

²⁸⁸ Joale, u se ke ua ithapella. U rapelle motho eo u 'mehileng matsoho. Hoo ho tla etsa hore le rapellane.

²⁸⁹ Joale, Morena Jesu, Mora Molimo, Ea tsohileng bafung, esita le lithorèlo tsa Ponse Pilato le tiiso ea 'muso oa Roma li sitiloe ho U notrella ka hara lebitla. Molimo o Matlaohle o ile oa theoha ka letsatsi la Paseka, oa phikolosa lejoe, oa manolla tiiso. 'Me O ile oa tsoha 'me ua hlola le barutuo ba Hao, matsatsi a mashome a mane, ho ba roma ho kena lefatšeng le ho etsa lintho tse etsoang hona joale. E se e le lilemo tse likete tse peli tse fetileng.

²⁹⁰ Morena, U Molimo. U ke ke ua hloleha. U teng mona. Seboka sena, hoseng hona, seo re ileng ra se tšoara, re rerisane ka litaba tsena. Re rerisane ka hore U Molimo; ho rerisana, lebaka leo U leng Molimo, le lebaka leo U leng mona ka lona.

²⁹¹ 'Me joale re filoe thomo ke Uena, ho beana matsoho. U re laetse ho etsa hoo. U itse, "Mehlolo e tla tsamaea le ba lumelang ke ena. Ha ba bea matsoho holima ba kulang, ba tla fola." Ke thomo ea rōna e tsoang sebokeng. Joale, Morena, "Kutlo e molemo ho feta sehlabelo; mamelo, e feta mafura a pheleu."

²⁹² Joale, Morena, joaloka mohlanka oa Hao, kea laela, 'me ke tlama liabolosi e mong le e mong, moea o mong le o mong, booloetse bo bong le bo bong, bohloko bo bong le bo bong, ntho efe feela e khahlano le e hlophang batho bana. Ka pela Sefahleho sa Molimo, ka bopaki ba Moea o Halalelang, ka thomo ea Lengeloi le rometsoeng ho 'na, ke phepetsa moea ona, ka Lentsoe la Molimo.

²⁹³ Moea ona oa ho kula le oa hlokofatso, tsoa bathong, ka Lebitso la Morena Jesu Kreste, 'me ba phekolo. Ba tlohele ba tsamaee. Satane, u mpa u le mothetsi feela. Rea u phepetsa.

[Moena Branham o kokota hangata sefaleng—Mong.] Nako e ttile, ke mohla Jesu Kreste a Ipontšang ka pela Balichaba. Joale, Satane, u hlotsoe. Ka mohla, u kile ua tšoara batho. Hona joale ha u na litokelo semolao. Jesu Kreste o u hlobolisitse tokelo eohle ea hao, mane Kalvari. O lefile moputso o tletseng, 'me a re, "Ho phethehile." Ntho eohle, leano le tletseng la topollo, pholiso eohle, tsohle li phethiloe Kalvari. 'Me uena, u li amohuoe, sohle seo u kileng ua se rua, ka sebe le ka tlolo. Joale re lokolotsoe ka Mali a Jesu. [Moena Branham o kokota hang sefaleng—Mong.] 'Me u ke se hhole u re fupara. Re re, "Tsoa ho rōna, ka Lebitso la Morena Jesu Kreste."

²⁹⁴ Joale, lulang le beane matsoho. Lulang le rapela. Beang matsoho a lona... Lulang le rapela. E mong le e mong oa lona a nahane feela, "Molimo o haufi. Moea oa Molimo o teng mona. Molimo o a mpholisa. Ho loka ha Hae, mohau oa Hae, molemo oa Hae, ke ntse ke netefaelsetoa tšepiso ea Hae ka ho 'na."

Re ka rera liveke le liveke. E ke ke ea etsa phapang ea letho joale; Moea o Halalelang o teng mona. Ke phetho seo O ka se etsang nakong efe, ho ba hantle mona joale.

"Hona joale kea lumela hore Moea o Halalelang o bonahatsa ho 'na, ho nkhola hore Molimo o teng mona. Kea Mo lumela. Ke mosebetsi o phethiloeng. Ke E fumane. Ke moruo oa ka. Hona joale ke tlala Moea o Halalelang. Maloetse a ka, mahlaba a ka le mahloko a tloha. Lihlokofatso tsa ka tsohle li sutha ho 'na." Ke oona mokhoa oa ho rapela, ka lihlooho tsa lona tse inamisitsoeng, mahlo a koetsoe. (*Lumela Feela*, joale.)

²⁹⁵ Lulang le inamisitse lihlooho tsa lona joale. Re tlil'o bina joale, hasesane feela.

Lumela feela...

²⁹⁶ Ho theoha thabeng... Ngoana ea tšoeroeng ke sethoathoa... Barutua ba ne ba tsoa mono, ba buisana le ntate. Ntate a mathela ho Jesu, 'me a re, "Morena, thusa ngoana oa ka." A re, "Nka khona, ha u lumela." "Nka khona, ha u ka lumela." Ke sona seo A se buang hona joale: "Ke mona. Ke sa tsoa theoha Khanyeng. Ke mona, Ke mahareng a lona. Ke tšoere seboka sena le lona. Ke tlotsitse molisa. Ke mona. Nka khona, ha le lumela."

Hoba tsohle li lokile, lumela feela;
Lumela feela, feela...



SEBOKA LE MOLIMO SST59-1220M
(Conference With God)

Molaetsa wona, ka Moena William Marrion Branham, o rerilwe sethatong ka Senyesemane ka Sontaha hoseng, Tšitoe 20, 1959, mane Tabernakele ea Branham, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org